

古本康平傷寒論

重排本

重	重	校	原
排	校	正	著
王	葉	大塚	張
孝	橘	敬	仲
義	泉	節	景

中 醫 書 局 出 版 發 行

古本康平傷寒論

重排本一冊

				年
				月
				日
藏				
重	重	校	原	
排	校	正	著	
王	葉	大	張	
孝	橘	塚	仲	
義	泉	敬	景	
				節

中華民國一〇四年四月二十六日版

目次

傷寒卒病論序	一
傷寒例	六
辨太陽病	二六
瘧濕喝	二六
辨大陽病	三〇
桂枝湯	三三
桂枝加葛根湯	三五
桂枝加附子湯	三七
桂枝去芍藥湯	三八
桂枝去芍藥加附子湯	三八
桂枝麻黃各半湯	三九

桂枝二麻黃一湯

四〇

桂枝二越婢一湯

四二

桂枝去桂加茯苓白朮湯

四二

甘草乾姜湯

四四

辨大陽病

四六

葛根湯

四六

葛根加半夏湯

四七

葛根黃芩黃連湯

四八

麻黃湯

四八

大青龍湯

五〇

小青龍湯

五一

桂枝加厚朴杏子湯

五二

麻黃杏仁甘草石膏湯

五八

桂枝甘草湯

五八

茯苓桂枝甘草大棗湯

五九

厚朴生姜半夏甘草人參湯

六〇

茯苓桂枝甘草湯

六一

芍藥甘草附子湯

六一

茯苓回逆湯

六二

調胃承氣湯

六二

五苓散

六三

茯苓甘草湯

六四

梔子豉湯

六六

梔子甘草豉湯

六六

梔子生薑豉湯

六七

梔子厚朴湯

六八

梔子乾姜湯

六九

乾姜附子湯

七〇

小柴胡湯

七四

小建中湯

七七

大柴胡湯

七九

柴胡加芒硝湯

八〇

桃核承氣湯

八一

柴胡加龍骨牡蠣湯

八二

桂枝去芍藥加蜀漆牡蠣龍骨救逆湯

八四

桂枝甘草龍骨牡蠣湯

八七

抵當湯

九〇

抵當丸

九〇

辨大陽病

結胸

九二

大陷胸湯

九四

大陷胸丸

九五

小陷胸湯

九六

文蛤散

九六

白散

九八

柴胡桂枝湯

一〇二

柴胡桂枝乾姜湯

一〇三

半夏瀉心湯

一〇四

十棗湯

一〇六

大黃黃連瀉心湯

一〇七

附子瀉心湯

一〇八

生姜瀉心湯

一〇八

甘草瀉心湯

一〇九

赤石脂禹餘糧湯

一一〇

旋復代赭湯

一一一

桂枝人參湯

一一二

瓜蒂散

一一三

白虎加人參湯

一一五

黃芩湯

一一六

黃芩加半夏生姜湯

一一七

黃連湯

一一七

桂枝附子湯

一一八

去桂加白朮湯

一一九

甘草附子湯

一二〇

白虎湯

一二〇

炙甘草湯

一二一

辨陽明病

一二三

大承氣湯

一三一

小承氣湯

一三一

蜜煎方

一四〇

茵陳蒿湯

一四一

麻子仁丸

一四五

梔子蘘皮湯

一四九

麻黃連軹赤小豆湯

一五〇

辨少陽病

一五一

辨大陰病

一五四

桂枝加芍藥湯

一五五

桂枝加大黃湯

一五六

辨少陰病

一五七

麻黃細辛附子湯

一六一

麻黃附子甘草湯

一六二

黃連阿膠湯

一六二

附子湯

一六三

桃花湯

一六四

吳茱萸湯

一六五

猪膚湯

一六五

甘草湯

一六六

桔梗湯

一六六

半夏苦酒湯

一六七

半夏散及湯

一六八

白通湯

一六八

白通加猪膽汁湯

一六九

玄武湯

一七〇

通脉回逆湯

一七一

回逆散

一七二

猪苓湯

一七三

回逆湯

一七四

辨厥陰病

一七六

烏梅丸

一八〇

當歸回逆湯

一八三

當歸回逆加吳茱萸生姜湯

一八三

麻黃升麻湯

一八六

乾姜黃芩黃連人參湯

一八七

白頭翁湯

一九〇

辨厥陰病

霍亂

一九三

回逆加人參湯

一九四

理中丸

一九五

通脈回逆加豬膽汁湯

一九七

辨陰陽易差後勞復病

一九九

枳實梔子湯	一九九
牡蠣澤瀉散	二〇〇
竹葉石膏湯	二〇一

附錄

方劑筆劃索引	二〇五
方注音劃索引	二〇八

傷寒卒病論

集論曰

余每覽越人入虢之診。望齊侯之色。未嘗不慨然歎其才秀也。怪當今居世之士。曾不留神醫藥。精究方術。上以療君親之疾。下以救貧賤之厄。中以保身長全。以養其生。但競逐榮勢。企踵權豪。孜孜汲汲。惟名利是務。崇飾其末。忽棄其本。華其外而悴其內。皮之不存。毛將安附焉。哀乎趨世之士。又馳競浮華。不固根本。卒然遭邪風之氣。嬰非常之

疾。患及禍至。而方震慄。降志屈節。欽望巫祝。告窮歸天。束手受敗。賚百年之壽命。持至貴之重器。委付□醫。而恣其所措。咄嗟嗚呼。厥身已斃。神明消滅。變爲異物。幽潛重泉。徒爲啼泣。痛夫舉世昏迷。莫能覺悟。不惜其命。若是輕生。彼何榮勢之云哉。而進不能愛人。知人。退不能愛身。知己。遇災值禍。身居厄地。蒙蒙昧昧。惓若遊魂。忘軀徇物。危若氷谷。至於是也。余宗族素多。向餘二百。建安紀年以

來。猶未十稔。其死亡者三分有二。傷寒十居其七。感往昔之倫喪。傷橫夭之莫救。乃勤求古訓。博采衆方。注 撰用素問九卷。八十一難陰陽大論胎臚藥錄。并平脉辨證。**經**爲傷寒卒病論。雖未能盡愈諸病。庶可以見病知源。若能尋余所集。思過半矣。

夫天布五行。以運萬類。人稟五常。以有五藏。經絡府俞。陰陽會通。玄冥幽微。變化難極。自非才高識妙。豈能探其理致哉。上古有神農

黃帝岐伯伯高雷公少俞少師仲文。中世有長桑扁鵲。漢有公乘陽慶及倉公。下此以往。未之聞也。觀今之醫。不念思求經旨。以演其所知。各承家技。終始順舊。省疾問病。務有口給。相對斯須。便處湯藥。按寸不及尺。握手不及足。人迎跌陽。三部不參。動數發息。不滿五十。短期未知決診。九候曾無髣髴。明堂闕庭。盡不見察。所謂窺管而已。夫欲視死別生。實

爲難矣。孔子云。生而知之者上。學則亞之。多聞博識。知之次也。余宿尙方術。請事斯語。

漢長沙守南陽張機著

晉大醫令王叔和撰次

傷寒例

陰陽大論云

凡春氣溫和。夏氣暑熱。秋氣瀉冷。冬□冰冽。此

則四時正氣之序也。

注 冬時嚴寒。萬類深藏。君子固密。則不傷寒。觸冒之者。乃名傷寒耳。

例 其

於傷四時之氣。皆能為病中□而即病者。名曰

以傷寒為毒者。以其最成殺厲之氣也。

傷寒。

中寒。不即病者。寒毒藏於肌膚。至春變為溫病。

至夏變爲暑病。暑病者。熱極重於溫也。注是以辛苦之人春夏

多溫熱病者。皆由冬時觸寒所致。非時行之氣也。

凡時行者。春時應暖而反大寒。夏時應熱而反大涼。秋時應涼而反大熱。冬時應寒而反大溫。

此非其時而有其氣

注是以一歲之中。長幼之病。多相似者也。**例**此則時行之氣也。

夫欲候知四時正氣爲病。及時行疫氣之法。皆當按斗曆占之。九月霜降節後。宜漸寒。向冬大寒。至正月雨水節後。宜解也。所以謂之

雨水者。以冰解。而爲雨水故也。至驚蟄二月節後。氣漸和暖。向夏大熱。至秋便涼。從霜降以後。至春分以前寒冽。凡有觸冒霜露。體中寒卽病者。謂之傷寒也。九月十月。寒氣尙微。爲病則輕。十一月十二月。寒冽已嚴。爲病則重。正月二月。寒漸將解。爲病亦輕。此以冬時不調。適有傷寒之人。卽爲病也。冬有非節之暖者。名爲冬溫。冬溫之毒。與傷寒大異。冬溫

復有先後。更相重沓。亦有輕重。爲治不同。證如後章。從立春節後。其中無暴大寒。又不冰雪。而有人壯熱爲病者。此屬春時陽氣發於冬時伏寒。變爲溫病。從春分以後。至秋分節前。天有暴寒者。皆爲時行寒疫也。

三月四月。或有暴寒。其時陽氣尙弱。爲寒所折。病熱猶輕。

五月六月。陽氣已盛。爲寒所折。病熱則重。七

月八月。陽氣已衰。爲寒所折。病熱亦輕。

病與溫及暑病相似。但治有殊耳。十五日得一氣。於四時之中。一時有六氣。四六名爲二十四氣。然氣候亦有應至而不至。或有未應至而至者。或有至而大過者。皆成病氣也。

但天地動靜。陰陽鼓擊者。各正一氣耳。

是以彼春之暖。爲夏之暑。彼之秋之忿。爲冬之怒。是故冬至後。一陽爻升。一陰爻降也。夏

至之後。一陽氣下。一陰氣上也。斯則冬夏二至。陰陽合也。春秋二分。陰陽離也。陰陽交易。人變病焉。此君子春秋養陽。秋冬養陰。順天地之剛柔也。小人觸冒。必嬰暴疹。須知毒烈之氣。留在何經。而發何病。詳而取之。是以春傷於風。夏必飧泄。夏傷於暑。秋必病□。秋傷於濕。冬必咳嗽。冬傷於寒。春必病溫。此必然之道。可不審明之。

傷寒之病。逐日淺深。以施方治。今世人傷寒。或始不早治。或治不對病。或日數久淹。困乃告醫。醫人又不依次第。而治之則不中病。皆宜臨時消息製方。無不效也。今搜採仲景舊論。錄其證候。診脉。聲色。對病□方。有神驗者。擬防世急也。凡土地溫涼高下不同。物性剛柔。飡居亦異。是故黃帝興四方之間。岐伯舉四治之能。以訓後賢。開其未悟者。臨病之工。宜須兩審也。

凡傷於寒。則爲病熱。熱雖甚不死。若兩感寒。而病者必死。若更感異氣。變爲他病者。當依後壞病證。而治之。

尺寸俱浮者。大陽受病也。當一二日發。以其脉上連風府。故頭項痛。腰脊強。

尺寸俱長者。陽明受病也。當二三日發。以其脉夾鼻。絡於目。故身熱目疼。鼻乾不得臥。

尺寸俱弦者。少陽受病也。當三四日發。以其

脉循脇絡於耳。故胸脇痛。而耳聾。此三經皆受病。未入於府者。可汗而已。

尺寸俱沈細者。大陰受病也。當四五日發。以其脉布胃中。絡於噤。故腹滿而噤乾。

尺寸俱沈者。少陰受病也。當五六日發。以其脉貫腎。絡於肺。繫舌本。故口燥。舌乾。而渴。

尺寸俱微緩者。厥陰受病也。當六七日發。以其脉循陰器。絡於肝。故煩滿而囊縮。此三經

皆受病。已入於府。可下而已。

若兩感於寒者。一日大陽受之。卽與少陰俱病。則頭痛口乾。煩滿而渴。二日陽明受之。卽與大陰俱病。則腹滿身熱不欲食。讖語。三日少陽受之。卽與厥陰俱病。則耳聾。囊縮而厥。水漿不入。不知人者。六日死。若三陰三陽。五藏六府。皆受病。則榮衛不行。藏府不通。則死矣。其兩感於寒。更不傳經。不加異氣者。至七

日大陽病衰。頭痛少愈也。八日。陽明病衰。身熱少歇也。九日。少陽病衰。耳聾微聞也。十日。太陰病衰。腹減如故。則思飲食。十一日。少陰病衰。渴止。舌乾已而嚏也。十二日。厥陰病衰。囊縱。少腹微下。大氣皆去。病人精神爽慧也。若過十三日。以上不間。寸尺陷者。大危。若脈陰陽俱盛。重感於寒者。變成溫瘧。陽脈浮滑。陰脈濡弱者。更遇於風。變爲風溫。陽脈洪數。

陰脉實大者。更遇溫熱。變爲溫毒。溫毒爲病。最重也。陽脉濡弱。陰脉弦堅者。更遇溫氣。變爲溫疫。以此冬傷於寒。發爲溫病。脉之變證。方治如說。

凡人有疾。不時卽治。隱忍冀差。以成痼疾。小兒女子。益以滋甚。時氣不和。便當早言。尋其邪由。及在腠理。以時治之。罕有不愈者。患人忍之。數日乃說。邪氣入藏。則難可制。此爲家有患。備慮。

之要。

凡作湯藥。不可避晨夜。覺病須臾。卽宜便治。不
等早晚。則易愈矣。如或差遲。病卽傳變。雖欲除
治。必難爲力。服藥不如方法。縱意違師。不須治
之。

凡傷寒之病。多從風寒得之。始表中風寒。入裏
則不消。然未有溫覆而當不消散者。擬欲攻之。不在證治
猶當先解表。乃可下之。若表已解。而內不消。雖

非大滿。猶生寒熱。□□□□。則病不除。若表已解。而內不消。大實堅大滿有燥屎。自可除下之。雖四五日。不能爲禍也。若不宜下而便攻之。內虛熱入。協熱遂利。煩燥諸變。不可勝數。輕者困篤。重者必死矣。

凡兩感病俱作。治有先後。發表攻裏。本自不同。而執迷妄意者。乃云神丹甘遂。合而飲之。且解其表。又除其裏。言巧似是。其理實違。夫智者之

舉錯也。常審以慎。愚者之動作也。必果而速。安危之變。豈可詭哉。世上士。但務彼翕習之榮。而莫見此傾危之敗。惟明者居然能護其本。近取諸身。夫何遠之有焉。

夫陽盛陰虛。汗之則死。下之則愈。陽虛陰盛。汗之則愈。下之則死矣。夫如是。則神丹安可以誤發。甘遂何可以妄攻。虛盛之治。相背千里。吉凶之機。應若影響。豈容易哉。况桂枝下

咽。陽盛卽斃。承氣入胃。陰盛以凶。死生之要在乎須臾。視身之盡。不暇計日。此陰陽虛實之交錯。其候至微。發汗吐下之相反。其禍至速。而醫術淺狹。懵然不知病源。爲治乃誤。使病者殞沒。自謂其分。至今冤魂塞於冥路。死屍盈於曠野。仁者鑒此。豈不痛歟。

凡發汗。溫服湯藥。其方雖言日三服。若病劇不解。當促其間。可半日中盡三服。卽便有所覺。病重者。

一日一夜。當晬時觀之。如服一劑。病證猶在。故當復作本湯服之。至有不肯汗出。服三劑乃解。

④

若汗不出者死病也。

凡得時氣病。至五六日而渴。欲飲水。飲不能多。不當與也。何者。以腹中熱尚少。不能消之。④

④

便更與

也。作病也。

④

至七八日。大渴欲飲水者。猶當依證而與

之。與之令不足。勿極意也。若飲而腹滿。小便不

言能飲一斗與五升。

利。若喘若噦。不可與之也。若飲水。忽然大汗出。

是爲自愈也。

凡得病。反能飲水。此爲欲愈之病。其不曉病者。但聞病飲水自愈。小渴者。乃強而與飲之。因成其禍。不可復數也。

凡得病厥。脉動數。服湯藥。更遲。脉浮大減小。初躁後靜。此皆愈證也。

凡治溫病。可刺五十九穴。

又身之穴。三百六十有五。其三十穴。灸之有

害。七十九穴。刺之爲災。并中髓也。

又脉四損三日死。平人四息。病人脉一至。名曰四損。脉五損一日死。平人五息。病人脉一至。名曰五損。脉六損一時死。平人六息。病人脉一至。名曰六損。脉盛身寒。得之傷寒。脉虛身熱。得之傷暑。脉陰陽俱盛。大汗出不解者死。脉陰陽俱虛。熱不止者死。脉至乍數。乍疎者死。脉至如轉索。其日死。讖言妄語。身微熱。

脉浮大。手足温者生。逆冷脉沈细者。不過一日死矣。

此以前。是傷寒熱病證候也。

辨太陽病

傷寒所致

瘧濕喝。

④注

此三種宜應別論。以爲與傷寒相似。故此見之。

大陽病。發熱無汗。反惡寒者。名曰剛瘧。

大陽病。發熱汗出。而不惡寒。名曰柔瘧。

大陽病。發熱。脉沈而細者。名曰瘧。

大陽病。發汗太多。致瘧。

病身熱足寒。頸項強急。惡寒。時頭熱。面赤。目脉赤。獨頭面搖。卒口噤。背反張者。瘧病也。

大陽病。關節疼痛而煩。脉沈而細者。名中濕。

濕痺之候。其人小便不利。大便反快。但當其利小便。

濕家之爲病。一身盡痛。發熱。身色如熏黃。

濕家。其人頭汗出。背強。欲得被覆向火。若下之早

則噦。胸滿。小便不利。舌上如胎渴。欲得水而不能

丹田有熱胃中有寒

飲。口燥渴也。

濕家。下之。額上汗出。微喘。小便利者死。若下

利不止者亦死。

問曰。風濕相搏。值天陰雨未止。一身盡疼痛。法當汗出而解。

醫曰。此可汗。汗之病不愈者。何也。答曰。發其汗。汗大出者。但風氣去。濕氣在。是故不愈也。

若治風濕者。發其汗。微微□似欲汗出者。風濕俱去也。

濕家病。身上疼痛。發熱面黃而喘。頭痛鼻塞而煩。其脉大。自能飲食。腹中和無病。病在頭中寒濕故鼻塞。內藥鼻中則愈。

病者一身盡痛。發熱日晡所劇者。此名風濕。注此病傷於

汗出當風，或久傷取冷所致也。

大陽中熱者。喝是也。其人汗出惡寒。身熱而渴也。

大陽中喝者。身熱疼重。而脉微弱。

注 此亦以夏月傷冷水。水行皮中所致也。

大陽中喝者。發熱惡寒。身重而疼痛。其脉弦細小。

扎遲

便已。洒洒然毛聳。手足逆冷。小有勞。身則熱。口開

前板齒燥。

若發汗。則惡寒甚。加溫針。則發熱甚。下之則淋

甚。

辨大陽病

大陽之爲病。脉浮頭項強痛。而惡寒。

大陽病。發熱汗出惡風。脉緩者。名爲中風。

大陽病。或已發熱。或未發熱。必惡寒體痛。嘔逆。脉陰陽俱緊者。名曰傷寒。

傷寒一日。大陽受之。脉若靜者。爲不傳。頗欲吐。若躁煩。脉數急者。爲傳也。

傷寒二三日。陽明少陽證不見者。爲不傳也。

大陽病。發熱而渴。不惡寒者。爲溫病。

若發汗已。身灼熱者。名風溫。

風溫爲病。脉陰陽俱浮。自汗出。身重。多眠睡。鼻息必鼾。語言難出。

若被下者。小便不利。直視失溲。若被火者。微發黃色。劇則如驚癇。時瘈瘲。若火熏之。一逆尙引日。再逆促命期。

病有發熱惡寒者。發於陽也。無熱惡寒者。發

於陰也。發於陽者。七日愈。發於陰者。六日愈。以陽數七。陰數六故也。

大陽病。頭痛至七日以上自愈者。以行盡其經故也。若欲作再經者。針足陽明使經不傳則愈。

大陽病。欲解時。從巳至未上。

風家表解。而不了了者。十二日愈。

病人身大熱。及欲得衣者。熱在皮膚。寒在骨髓。

也。身大寒。及不欲近衣者。寒在皮膚。熱在骨髓也。

大陽中風。陽浮者熱自發。陰弱者汗自出。脉陽浮而陰弱。嗇嗇惡寒。淅淅惡風。翕

翕發熱。鼻鳴乾嘔者。桂枝湯主之。

桂枝去皮三兩

芍藥三兩

甘草炙二兩

生姜切三兩

大棗擘十二枚

右五味。㕮咀。三味。以水七升。微火煮。取三升。去滓。適寒溫。服一升。服已須臾。歔熱稀粥一升餘。以助藥力。溫覆令一時許。遍身熱熱。微似有汗

者。益佳。不可令如水流離。病必不除。若一服汗出病差。停後服。不必盡劑。若不汗。更服依前法。又不汗。後服小促其間。半日許。令三服盡。若病重者。一日一夜服。周時觀之。

服一劑盡。病證猶在者。更作服。若汗不出。乃服至二三劑。禁生冷粘滑。肉麵五辛。酒酪臭惡等物。

大陽病。頭痛發熱。汗出惡風者。桂枝湯主之。

大陽病。項背強几几。反汗出惡風者。桂枝加葛根湯主之。

葛根

兩四

芍藥

兩二

生姜

兩三

甘草

兩二

大棗

十二枚

桂枝

兩二

右六味。以水一斗。先煮葛根。減二升。去白沫。內諸藥。煮取三升。去滓。溫服一升。覆取微似汗。不須歎粥。餘如桂枝法。將息及禁忌。

大陽病下之後。其氣上衝者。可與桂枝湯。

方用前法

注

若不上衝者不可與

之。

大陽病三日。已發汗。若吐。若下。若溫針。仍不解者。

此爲壞病。

注

桂枝不中與之也。觀其脉證。知犯何逆。隨證治之。

桂枝本爲解肌。若其人脉浮緊。發熱汗不出者。不可與之也。常須識此勿令誤也。

若酒客病。不可與桂枝湯。得湯則嘔。以酒客不喜甘故也。

喘家。作桂枝湯。加厚朴杏子佳。又服桂枝湯吐。

者。其後必吐膿血也。

大陽病。發汗遂漏不止。其人惡風。小便難。四肢微急。難以屈伸者。桂枝加附子湯主之。

桂枝去皮
兩三

芍藥
兩三

甘草炙
兩三

生姜切
兩三

大棗擘
枚十二

附子炮去皮破八片
枚一

右六味。以水七升。煮取三升。去滓。溫服一升。注

本云桂枝湯。今加附子。

例將息如前法。

大陽病下之後。脉促胸滿者。桂枝去芍藥湯主之。

若微惡寒者。桂枝去芍藥加附子湯主之。

桂枝去芍藥湯方。

桂枝去皮
三兩

甘草炙
二兩

生姜切
三兩

大棗擘
十二枚

右四味。以水七升。煮取三升。去滓。溫服一升。注

本云桂枝湯
今去芍藥。

例將息如前法。

桂枝去芍藥加附子湯。

前方加附子炮去皮破八片一枚

右五味。以水七升。煮取三升。去滓。溫服一升。注

本云桂枝湯。今去芍藥加附子。

例將息如前法。

大陽病。得之八九日。如瘧狀。發熱惡寒。熱多寒少。

其人不嘔。清便欲自可。一日二三度發。

注脉微緩者。爲欲愈也。脉微而惡

寒者。此陰陽俱虛。不可更發汗。更下。更吐也。面色反有熱色者。未欲解也。

經以其不能得少汗出。身必痒。

宜桂枝麻黃各半湯。

桂枝去皮 一兩十

芍藥 六銖

生姜切

甘草炙

麻黃去節 各一兩

大棗擘 四枚

杏仁湯積去皮尖及兩仁者 二十枚

右七味。以水五升。先煮麻黃一兩沸。去上沫。內

諸藥煮取一升八合去滓。溫服六合。

注 本云桂枝湯三合麻黃湯三合。

併爲六合頓服。

例 將息如上法。

風池風府

大陽病。初服桂枝湯。反煩不解者。先刺卻與桂枝湯則愈。服桂枝湯。大汗出。脉洪大者。與桂枝湯。如前法。若形如瘧。一日再發者。汗出必解。宜桂枝二麻黃一湯。

桂枝去皮 一兩十
六銖

芍藥 一兩
六銖

麻黃去節 十六
銖

生姜切 一兩十
六銖

杏仁去皮尖 十六
銖

甘草炙 一兩
二銖

大棗擘 五
枚

右七味以水五升。先煮麻黃一二沸。去上沫。內

諸藥。煮取二升。去滓。溫服一升。日再服。注 本云桂枝湯二分麻

黃湯一分。合爲二升。分再服。今合爲方。 **例**將息如上法。

服桂枝湯。大汗出後。大煩渴不解。脈洪大者。白虎加人參湯主之。

大陽病。發熱惡寒。熱多寒少。脈微弱者。不可大發汗。宜桂枝二越婢一湯。服桂枝湯。或下之。仍頭項強痛。翁翁發熱。無汗。心下滿微痛。小便不利者。桂

枝去桂加茯苓白朮湯主之。

桂枝二越婢一湯。

桂枝去皮

芍藥

麻黃

甘草炙
各十
八銖

大棗擘
四
枚

生姜切
一兩
二銖

石膏擘綿裹
二十
四銖

右七味。以水五升。煮麻黃一二沸。去上沫。內諸

藥。煮取二升。去滓。溫服一升。

④注 本云。當裁爲越婢湯。桂枝湯。合之。飲一升。今合爲一方。桂枝湯

二分。越婢
湯一分。

桂枝去桂加茯苓白朮湯。

芍藥三兩甘草二兩生姜切

白朮

茯苓各三兩大棗十二枚

右六味。以水八升。煮取三升。去滓。溫服一升。小

便利則愈。

注 本云桂枝湯。今去桂枝加茯苓白朮。

傷寒脉浮。自汗出。小便數。心煩。微惡寒。脚攣急。反

與桂枝湯。

注 欲攻其表。此誤也。**經** 得之便厥。咽中乾燥。吐逆者。

作甘草乾姜湯與之。若厥愈。足溫者。更作芍藥甘

草湯與之。若胃氣不和。讖語者。小與調胃承氣湯。

若重發汗。復加燒針。得之者。回逆湯主之。

甘草乾姜湯方

甘草^炙_{兩四} 乾姜_{兩二}

右二味。以水三升。煮取一升五合。去滓。分溫再服。

問曰。證象陽旦。按法治之。而增劇。厥逆。咽中乾燥。兩脛拘急。而讞語。師曰。言夜半手足當溫。兩脚當伸。後如師言。何以知之。答曰。寸口

脉浮而大。浮爲風。大爲虛。風則生微熱。虛則兩脛攣。病形象桂枝。因加附子。參其間。增桂令汗出。附子溫經。亡陽故也。厥逆。咽中乾。煩躁。陽明內結。讖語煩亂。更飲甘草乾姜湯。夜半陽氣還。兩足當熱。脛尙微拘急。重與芍藥甘草湯。爾乃脛伸。以承氣湯微瀉。則止其讖語。故知病可愈。

辨大陽病

大陽病。項背強几几。無汗惡風。葛根湯主之。

葛根

兩四

麻黃

兩三

桂枝

兩二

生姜

兩三

甘草

兩二

芍藥

兩二

大棗

擘十二枚

右七味。以水一斗。先煮麻黃葛根。減二升。去白沫。內諸藥。煮取三升。去滓。溫服一升。覆取似汗。餘如桂枝法。將息及禁忌

④注

諸湯藥皆做之。

大陽與陽明合病者。必自下利。葛根湯主之。

大陽與陽明合病。不下利。但嘔者。葛根加半夏湯主之。

葛根

兩四

麻黃

兩三

甘草

兩二

芍藥

兩二

桂枝

兩二

生姜

兩二

半夏

升半

大棗

枚十二

右八味。以水一斗。先煮葛根麻黃。減二升。去白沫。內諸藥。煮取三升。去滓。溫服一升。覆取微似汗。

大陽病。桂枝證。醫反下之。利遂不止。喘而汗出者。

脈促者。表未解也。

葛根黃連黃芩湯主之。

葛根

斤半

甘草

兩二

黃芩

兩三

黃連

兩三

右四味。以水八升。先煮葛根。減二升。內諸藥。煮取二升。去滓。分溫再服。

大陽病。頭痛發熱。身疼腰痛。骨節疼痛。惡風。無汗而喘者。麻黃湯主之。

麻黃

兩三

桂枝

兩二

甘草

兩一

杏仁

七十箇

右四味。以水九升。先煮麻黃減二升。去上沫。內

諸藥。煮取二升半，去滓。溫服八合，覆取微似汗。不須歎粥。餘如桂枝法將息。

大陽與陽明合病。喘而胸滿者。不可下。宜麻黃湯。

大陽病。十日以去。脉浮細而嗜臥者。外已解也。設胸滿脇痛者。與小柴胡湯。脉但浮者。與麻黃湯。

大陽中風。脉浮緊。發熱惡寒。身疼痛。不汗出而煩

燥者。大青龍湯主之。若脉微弱。汗出惡風者。不可服之。服之則厥逆筋惕肉瞤。此爲逆也。

大青龍湯方

麻黃去節六兩

桂枝去皮二兩

甘草炙二兩

杏仁去皮尖四十枚

生姜切三兩

大棗擘十枚

石膏碎雞子大

右七味。以水九升。先煮麻黃。減二升。去上沫。內

諸藥。煮取三升。去滓。溫服一升。取微似汗。汗出多者。

溫粉



一服汗者。停後服。

注

若復服汗多。亡陽遂虛。惡風煩躁不得眠也。

傷寒脉浮緩。身不疼。但重。乍有輕時。大青龍湯主之。

傷寒表不解。心下有水氣。乾嘔發熱而欬。或渴。或利。或噎。小便不利。小腹滿。或喘者。小青龍湯主之。

麻黃_{去節}

芍藥

細辛

乾姜

甘草_炙

桂枝_{去皮}

_{各三兩}

五味子

_{半升}

半夏

_{半升}

右八味。以水一斗。先煮麻黃。減二升。去上沫。內諸藥。煮取三升。去滓。溫服一升。

若渴者。去半夏。加括蕁根三兩。若微利。去麻黃。

加蕁花熬令赤色如一雞子。若噎者。去麻黃。加附子炮一枚。

若小便不利。少腹滿者。去麻黃。加茯苓四兩。若

喘者。去麻黃。加杏仁去皮尖半升。注且蕁花不治利。麻黃主喘。今此語反之。疑非仲景意。

傷寒心下有水氣。欬而微喘發熱不渴。小青龍湯

主之。

大陽病。外證未解。脉浮弱者。當以汗解。宜桂枝湯。

大陽病。下之微喘者。表未解故也。桂枝加厚朴杏

子湯主之。

桂枝去皮三兩

甘草炙二兩

生姜切三兩

芍藥三兩

大棗擘十二枚

厚朴炙去皮二兩

杏仁去皮尖五十枚

右七味。以水七升。微火煮取三升。去滓。溫服一升。覆取微似汗。

大陽病。外證未解。下之爲逆。不可下。欲解外者。宜桂枝湯。

大陽病先發汗不解。而復下之。脉浮者不愈。浮爲在外。而反下之。故令不愈。今脉浮故在

外。當須解外則愈。宜桂枝湯。

大陽病。脉浮緊無汗。發熱身疼痛。八九日不解。表

證仍在。

注 此當發其汗。服藥已微除也。

經 其人發煩。目瞑。劇者必衄。所

衄

乃愈。以然者。陽氣重故也。麻黃湯主之。

大陽病。脉浮緊。發熱。身無汗。自衄者愈。

二陽併病。大陽初得病時。發其汗。汗先出不徹。因

轉屬陽明。續自微汗出。不惡寒。

注 大陽病證不罷者。不可下之爲逆。

經 如

此可以小發汗。設面色緣緣正赤者。陽氣拂鬱。

在表。當解之。薰之。

注

若發汗不徹，不足陽氣拂鬱。

經

不得越

注

當汗不汗，其人躁煩。○不知痛處。乍在腹中，乍在四肢，按之不可得。

經

其人短

以汗出不徹故也。

氣但坐更發汗則愈。

注

何以知汗出不徹，以脉濇故知也。

經

若厥

厥

脉浮數者。法當汗出而解。若下之。身重心悸者。不可發汗。當自汗出乃解。所以然者。尺中脉微。此裏虛。須表裏實。津液自和，便自汗出愈。

脉浮緊者。法當身疼痛。宜以汗解之。假令尺中遲者。不可發汗。何以知然。以榮氣不足。血少故也。

脉浮者。病在表。可發汗。宜麻黃湯。脉浮而數者。可發汗。宜麻黃湯。

病常自汗出者。此爲榮氣和。榮氣和者。外不諧。以衛氣不共榮氣諧和故爾。以榮行脉中，衛行脉外。復發其汗。榮衛和則愈。宜桂枝湯。

病人藏無他病。時發熱。自汗出而不愈者。此衛氣不和也。先其時發汗則愈。宜桂枝湯。

傷寒脉浮緊。不發汗。因致衄者。麻黃湯主之。

傷寒不大便六七日。頭痛在熱者。與承氣湯。
其小便清者。知不在裏。仍在表也。當須發汗。
若頭痛者。必衄。宜桂枝湯。

傷寒發汗已解。半日許復煩。脉浮數者。可更發汗。宜桂枝湯。

凡病若發汗。若吐。若下。若亡津液。如此者。陰陽自和則必自愈。

發汗後。身疼痛。脉沈遲者。桂枝加芍藥生姜各

一兩人參三兩新加湯主之。

發汗後。喘家不可更行桂枝湯。汗出而喘。無大熱者。可與麻黃杏仁甘草石膏湯。

麻黃去節
兩四

杏仁去皮
箇五十

甘草炙
兩二

石膏碎綿裹
斤半

右四味。以水七升。煮麻黃減二升。去上沫。內諸藥。煮取二升。去滓。溫服一升。

發汗過多。其人叉手自冒心。心下悸。欲得按者。桂枝甘草湯主之。

桂枝去皮
兩四

甘草炙
兩二

右二味以水三升。煮取一升。去滓頓服。

發汗後。其人臍下悸者。欲作奔豚。茯苓桂枝

甘草大棗湯主之。

茯苓半斤

桂枝去皮
兩四

甘草炙
兩二

大棗擘
枚十五

右四味。以甘爛水一斗。先煮茯苓。減二升。內諸藥。煮取三升。去滓。溫服一升。日三服。

作甘爛水法。取水二斗。置大盆內。以杓揚之。

水上珠子五六千顆相逐。取用之。

發汗後。腹脹滿者。厚朴。生姜。半夏。甘草。人參湯
主之。

厚朴去皮
斤半

生姜切
斤半

半夏洗
升半

甘草二兩

人參一兩

右五味。以水一斗。煮取三升。去滓。溫服一升。日
三服。

傷寒若吐若下後。心下逆滿。氣上衝胸。起則頭眩。
脉沈緊。發汗則動經。身爲振振搖者。茯苓。桂枝。白

朮甘草湯主之。發汗病不解。反惡寒者。虛故也芍藥甘草
 附子湯主之。發汗若下之。病仍不解。煩燥者。茯苓
 回逆湯主之。發汗後惡寒者。虛故也。不惡寒但熱
 者。實也。當和胃氣。與調胃承氣湯。

茯苓桂枝甘草湯方

茯苓

兩四

桂枝

兩三

白朮

甘草

各二兩

右四味。以水六升。煮取三升。去滓。分溫三服。

芍藥甘草附子湯

芍藥

甘草

炙
各三兩

附子

炮去皮破八片
一枚

右三味。以水五升。煮取一升五合。去滓。分溫三服。

茯苓回逆湯方

茯苓

四兩

人參

一兩

附子

生用去皮破八片
一枚

甘草

炙
二兩

乾姜

一兩

右五味。以水五升。煮取三升。去滓溫服七合。日三服。

調胃承氣湯方

芒硝

半升

甘草

炙

大黃

去皮清酒洗
四兩

右三味。以水三升。煮取一升。去滓。納芒硝。更煮

一兩沸。頓服。

注

加減方疑
非仲景方

大陽病。發汗後。大汗出。胃中乾。燥煩不得眠。欲得
飲水者。少少與飲之。令胃氣和則愈。若脉浮。小便
不利。微熱消渴者。五苓散主之。
發汗已。脉浮數煩渴者。五苓散主之。

猪苓

去皮
十八銖

澤瀉

一兩
六銖

白朮

十八銖

茯苓

十八銖

桂枝去皮
兩半

右五味。擣爲散。以白飲和。服方寸匕。日三服。多飲煖水。汗出愈。如法將息。

傷寒汗出而渴者。五苓散主之。小渴者。茯苓甘草湯主之。

茯苓二兩

桂枝去皮
兩二

甘草炙
兩一

生薑切
兩三

右四味。以水四升。煮取二升。去滓分溫三服。

中風發熱。六七日不解而煩渴欲飲水。水入口吐

有表裏證

者。名曰水逆五苓散主之。

未持脉時，病人叉手自冒心。師因教試令欬，而不欬者，此必兩□聾無聞也。所以然者，重以發汗虛故也。

發汗後，飲水多必喘。以水灌之亦喘。

發汗後，水藥不得入口。爲逆若更發汗，必吐下不止。發

汗吐下後，虛煩不得眠。若劇者，必反覆顛倒。心中懊懣。梔子豉湯主之。若少氣者，梔子甘草豉湯主

之。若嘔者。梔子生姜豉湯主之。

梔子豉湯方

梔子擘 十四箇 香豉棉囊 四合

右二味。以水四升。先煮梔子得二升半。內豉。煮取一升半。去滓。分爲二服。溫進一服。得吐者。止後服。

梔子甘草豉湯方

梔子擘 十四枚 甘草炙 二兩 香豉綿囊 四合

右三味。以水四升。先煮梔子甘草。取二升半。內豉。煮取一升半。去滓。分二服。溫進一服。得吐者止後服。

梔子生姜豉湯方

梔子^擘

十四箇

生姜

五兩

香豉

四合

綿囊

右三味。以水四升。先煮梔子生姜。取二升半。內豉。煮取一升半。去滓。分二服。溫進一服。得吐者。止後服。

發汗若下之。而煩熱胸中窒者。梔子豉湯主之。
傷寒五六日。大下之後。身熱不去。心中結痛者。未
欲解也。梔子豉湯主之。

傷寒下後。心煩腹滿。臥起不安者。梔子厚朴湯主
之。

梔子擘
十四箇

厚朴去皮
四兩

枳實浸水炙令黃
四枚

右三味。以水三升半。煮取一升半。去滓。分二服。
溫進一服。得吐者。止後服。

傷寒。醫以丸藥。大下之。亡津身熱不去。微煩者。梔子乾

姜湯主之。大下之後。復發汗。小便不利者。勿治之。得小便利必自愈。下之後。復發汗。必振寒。脉微細。

注

所以然者。以內外俱虛故也。

經

下之後。發汗。晝日煩燥不得眠。夜而

安靜。不嘔不渴。無表證。脉沈微。身無大熱者。乾姜附子湯主之。

梔子乾姜湯方

梔子

擘

十四箇

乾姜

一兩

右二味。以水三升半。煮取一升半。去滓。分二服。溫進一服。得吐者止後服。

凡用梔子湯。病人舊微瀉者。不可與服之。

乾姜附子湯方

乾姜

一兩

附子

一枚

生用去皮破八片

右二味。以水三升。煮取一升。去滓。頓服。

大陽病發汗。汗出不解。其人仍發熱。心下悸。頭眩。身瞤動。振振欲擗地者。玄武湯主之。

咽喉乾燥者。不可發汗。

淋家。不可發汗。發汗必便血。

瘡家。雖身疼痛。不可發汗。汗出則瘡。

衄家。不可發汗。汗出則必額上陷。脉急緊。直視不能目眴。不得眠。

亡血家。不可發汗。發汗則寒慄而振。

汗家。重發汗。必恍惚心亂。小便已陰疼。與禹餘糧丸。

病人有寒，復發汗，胃中冷吐蚘。

本發汗而復下之。此爲逆也。若先發汗。治不爲逆。本先下之。而反汗之。此爲逆。若先下之。治不爲逆。

傷寒醫下之。續得下利。清穀不止。身疼痛者。急當救裏。後身疼痛。清便自調者。急當可救表。救裏宜回逆湯。救表宜桂枝湯。

病發熱頭痛。脉反沈者。□□若不差。身體疼痛。

當救其裏。宜回逆湯。

大陽病。先下而不愈。因後發汗。其人因致冒。

冒家汗出自愈。所以然者。汗出表和故也。裡未和。然後復下之。

大陽病未解。脉陰陽俱停。下之必先振慄。汗出而

解。

注 但陽脉微者。汗出而解。但陰脉微者。下之而解。

經 若欲下之。宜調胃承氣湯。

大陽病。發熱汗出者。此榮弱衛強。故使汗出。

欲救邪風者。宜桂枝湯。

傷寒五六日。中風往來寒熱。胸脇苦滿。默默不欲飲食。心煩喜嘔。或脇中煩而不嘔。或渴。或腹中痛。或胸下痞鞭。或心下悸。小便不利。或不渴。身有微熱。或欬者。小柴胡湯主之。

柴胡

半斤

黃芩

三兩

人參

三兩

半夏

洗半升

甘草

炙

生姜

切各三兩

大棗

擘十六枚

右七味。以水一斗二升。煮取六升。去滓再煮取三升。溫服一升，日三服。

若胸中煩而不嘔者。去半夏人參。加栝蘘實一枚。若渴者。去半夏。加人參合前成四兩半。加栝蘘根四兩。若腹中痛者。去黃芩。加芍藥三兩。若胸下痞鞭。去大棗。加牡蠣四兩。若心下悸。小便不利者。去黃芩。加茯苓四兩。若不渴。外有微熱者。去人參。加桂枝三兩。溫覆微汗愈。若欬者。去人參大棗。生姜。加五味子半斤。乾姜二兩。血弱氣盡。腠理開。邪氣因入。與正氣相搏。結於

胸下。正邪分爭。往來寒熱。休作有時。嘿嘿不欲
飲食。藏府相違。其病必下。邪高病下，故使嘔也。
小柴胡湯主之。

服柴胡湯已渴者。屬陽明。以法治之。得病六七
日。脉遲浮弱。惡風寒。手足溫。醫二三下之。不能
食。而脇下滿痛。面目及身黃。頸項強。小便黃者。
與柴胡湯。後必下重。

本渴飲水而嘔者。柴胡湯不中與也。食穀者

噦。

傷寒四五日。身熱惡風。頸項強。脇下滿。手足溫而渴者。小柴胡湯主之。

傷寒陽脉濇陰脉弦法當腹中急痛□□先與小建中湯。不差者。

小柴胡湯主之。

小建中湯方

桂枝去皮三兩

甘草炙二兩

大棗擘十二枚

芍藥六兩

生姜切三兩

膠飴一升

右六味。以水七升。煮取三升。去滓內飴。更上微火消解。溫服一升。日三服。

嘔家不可用建中湯。以甜故也。

傷寒中風。有柴胡證。但見一證便是。不必悉具。凡柴胡湯病證而下之。若柴胡證不罷者。復與柴胡湯。必蒸蒸而振。却復發熱汗出而解。

傷寒二三日。心中悸而煩者。小建中湯主之。

大陽病十餘日。過經反二三下之。後四五日。柴胡證仍

在者。先與小柴胡湯。嘔不止。心下急。鬱鬱微煩者。爲未解也。與大柴胡湯。下之則愈。

柴胡

斤半

黃芩

兩三

芍藥

兩三

半夏

洗升半

生姜

切兩五

枳實

炙四枚

大棗

擘十二枚

右七味。以水一斗二升。煮取六升。去滓。再煎。溫

服一升。日三服。

注

一方加大黃二兩。若不
加。恐不爲大柴胡湯。

傷寒十三日不解。胸脇滿而嘔。日晡所發潮熱已

潮熱者實也

而微利。

注

此本柴胡。下之而不得利。今反利者。知醫以丸藥下之。非其治也。

經

先宜服小柴胡湯

以解外。後以柴胡加芒硝湯主之。

柴胡

二兩十
六銖

黃芩

一兩

人參

二兩

甘草

炙
一兩

生姜

切
一兩

半夏

洗本云五枚
二十銖

大棗

擘
四枚

芒硝

二兩

右八味。以水四升。煮取二升。去滓。內芒硝。更煎

微沸。分溫再服。

注 不解
更作

過經

傷寒十三日。不解。時讖語者。以有熱也。當以湯下之。

若小便利者。大便當鞭。而反下利。脉調和者。知

醫以丸藥下之。非其治也。若自下利者，脈當微厥。今反和者，此爲內實也。調胃承氣湯主之。

大陽病不解，熱結膀胱。其人如狂，血自下者愈血自下。其外不

解者，尙未可攻。當先解其外。外解已，但小腹急結者，乃可攻之。宜桃核承氣湯。

桃仁去皮尖
五十箇

大黃四兩

桂枝去皮
二兩

甘草炙
二兩

芒硝二兩

右五味。以水七升。煮取二升半。去滓。內芒硝。更上火。微沸。下火。先食溫服五合。日三服。
注當微利。

傷寒八九日。下之。胸滿煩驚。小便不利。讖語。一身盡重。不可轉側者。柴胡加龍骨牡蠣湯主之。

④注

本云柴胡

湯。今加龍骨等。

又方

柴胡

兩四

龍骨

黃芩

生姜

鉛丹

人參

桂枝

茯苓

半夏

洗
二合半

大黃

兩二

牡蠣

一兩半

大棗

擘
六枚

右十二味。以水八升。煮取四升。內大黃切如

碁子。更煮一兩沸。去滓。溫服一升。

傷寒。腹滿讖語。寸口脉浮而緊。此肝乘脾也。名曰縱刺期門。

傷寒。發熱嗇嗇惡寒。大渴欲飲水。其腹必滿。自汗出。小便利。其病欲解。此肝乘肺也。名曰橫刺期門。

大陽病二日反躁。反熨背。而大汗出。大熱入胃。胃中水竭。躁煩。必發讖語。

注

十餘日。振慄。自下利者。此爲欲解。

經

故其發汗。

從腰以下。不得汗。欲小便不得。反嘔欲失溲。足下

惡風。大便鞭。

注 小便當數。而反不數及不多。

經 大便已。頭卓然而痛。其

穀氣下流

人足心必熱。

故也

大陽病中風。以火劫發汗。邪風被火熱。血氣流溢。

失其常度兩相薰灼

其身必發黃。

注 陽盛則欲衄。陰盛則小便鞭。陰陽俱虛竭。身體則枯燥。

經 但頭汗出。劑頸

而還。腹滿微喘。口乾咽爛。或不大便。久則讞語。甚

者至噦。手足躁擾。捻衣摸床。

注 小便利者。其人可治。

傷寒脉浮。醫以火迫劫之。必驚狂。臥起不安者。桂

亡陽

枝去芍藥加蜀漆牡蠣龍骨救逆湯主之。

桂枝去皮三兩

甘草炙二兩

生姜切三兩

大棗擘十二枚

牡蠣熬五兩

蜀漆洗去腥三兩

龍骨四兩

右七味。以水一斗二升。先煮蜀漆。減二升。內諸

藥。煮取三升。去滓。溫服一升。

注本云桂枝湯。今去芍藥。加蜀漆牡蠣龍骨。

形作傷寒。其脉不弦。堅而弱。弱者必渴。被火必

讖語。弱者發熱。脉浮者。解之當汗出愈。

大陽病。以火熏之。不得汗。其人必躁。必清血。名爲

到經不解

火邪。

火邪。脉浮熱甚。而反灸之。因火而動。必咽燥吐血。

微數之脉。慎不可灸。因火爲邪。則爲煩逆。血散

追虛追實

脉中。火氣雖微。內攻有力。血難復也。

焦骨傷筋

脉浮宜以汗解。用火灸之。邪無從出。因火而盛。病從腰以下。必重而痺。欲自解者。必當先煩。乃

火逆之也

有汗而解。

注

何以知之。脉浮而汗出解。

燒針令其汗。針處被寒。核起而赤者。氣從小腹上衝心者必發奔豚灸

其核上各一壯。與桂枝加桂湯。

注 更加桂枝二兩也。本云桂枝湯。今加桂五兩。所以加桂者。以能

泄奔豚氣也。

火逆下之。因燒針煩燥者。桂枝甘草龍骨牡蠣湯主之。

桂枝去皮一兩

甘草炙二兩

牡蠣熬二兩

龍骨二兩

右四味。以水五升。煮取二升半。去滓溫服。八合。

日三服。

大陽傷寒者。加溫針必驚也。

大陽病。當惡寒發熱。今自汗出。反不惡寒不發熱。
脉關上細數者。以醫吐之過也。此爲小逆。

一二日吐之者。腹中飢口不能食。三四日吐之者。不喜糜粥。欲冷食。朝食夕吐。以醫吐之所致也。

大陽病吐之。但大陽病當惡寒。今反不惡寒。不欲近衣。此爲吐之內煩也。

病人脉數。數爲熱。當消穀引食。而反吐者。此以發汗。令陽氣微。脇氣虛。脉乃數也。數爲客熱。不能消穀。以胃中虛冷。故吐也。

大陽病。十餘日。過經心下溫溫欲吐。而胸中痛。大便反

溏。腹微滿。鬱鬱微煩。先此時。自極吐下者。與調胃

承氣湯。

注若不爾者。不可與。○但欲嘔。胸中痛。微溏者。此非柴胡湯證。以嘔故知極吐也。

大陽病六七日。表證仍在。脉微而沈。反不結胸。其人發狂者。以熱在下焦。小腹當鞭滿。小便自利者。

下血乃愈。

注

所以然者。以大陽隨症。瘀熱在裏故也。

經

抵當湯主之。

水蛭

熬

蟲蟲

去翅足熬

各三
十箇

桃仁

去皮尖

二十
箇

大黃

酒洗

二
兩

右四味。以水五升。煮取三升。去滓。溫服一升。不下更服。

大陽病身黃。脉沈結。小腹鞭。小便自利。其人如狂。

小便不利者。爲無血也。

血證諦也

者。抵當湯主之。

傷寒有熱。小腹滿。應小便不利。今反利者。當可下。

爲有血也

之。宜抵當丸。

不可餘藥

水蛭熬二十箇

蟲蟲去翅足熬二十箇

桃仁去皮尖二十箇

大黃三兩

右四味。擣分四丸。以水一升。煮一丸。取七合服之。若不下者更服。 啐時當下血。

大陽病小便利者。以飲水多。必心下悸。小便少者。必苦裏急也。

辨大陽病

結胸

問曰。病有結胸。有藏結。其狀如何。答曰。按之痛。寸脉浮。關脉沈。名曰結胸也。何謂藏結。答曰。如結胸狀。飲食如故。時時下利。寸脉浮。關脉小細沈緊。名曰藏結。舌上白胎滑者難治。藏結無陽症。不往來寒熱。其人反靜。舌上胎滑者。不可攻也。

病發於陽。而反下之。熱入因作結胸。病發於陰

而反下之。因作痞也。

所以成結胸者。以下之太早故也。

結胸者。項亦強。如柔痙狀。下之則和。宜大陷胸丸。

結胸證。其脉浮大者。不可下。下之則死。結胸證悉具。煩燥者亦死。

大陽病脉浮而動數

注

浮則爲風。數則爲熱。動則爲痛。數則爲虛。

經

頭痛發熱。微

盜汗出。而反惡寒者。表未解也。醫反下之。動數變

遲脇內拒痛。短氣躁煩。心中懊懣。陽氣內陷。心下因鞭。則爲結胸。大陷胸湯主之。若不大結胸。但頭汗出。餘處無汗。劑頸而還。小便不利。身必發黃也。宜大陷胸丸。

大陷胸湯方

大黃<sup>去皮
六兩</sup>

芒硝^{一升}

甘遂<sup>一錢
匕</sup>

右三味。以水六升。先煮大黃。取二升。去滓。內芒硝。煮一兩沸。內甘遂末。溫服一升。得快利止後。

服。

大陷胸丸方

大黃

斤半

葶藶子

熬

升半

芒硝

升半

杏仁

去皮尖熬黑

升半

右四味。擣篩二味。內杏仁芒硝。合研如脂。和散。取如彈丸一枚。別擣甘遂末一錢匕。白蜜二合。水二升。煮取一升。溫頓服之。一宿乃下。如不下更服。取下爲效。禁如藥法。

傷寒六七日。結胸熱實。脉沈而緊。心下痛。按之石

鞭者。大陷胸湯主之。

傷寒十餘日。熱結在裏。復往來寒熱者。與大柴胡

湯。但結胸無大熱。惟頭微汗出者。大陷胸湯主之。

無大熱者。此爲水結在胸脅也。

大陽病。重發汗而復下之。不大便五六日。舌上燥而渴。日晡所小有潮熱。發心胸大煩。從心下至小腹。鞭滿而痛。不可近者。大陷胸湯主之。少結胸者。正在心下。按之則痛。脉浮滑者。小陷胸湯主之。

黃連

一兩

半夏

洗半升

枳實

一兩

實

一枚

右三味。以水六升。先煮括蕞實。取三升。去滓。內諸藥。煮取二升。去滓。分溫三服。

大陽病二三日。不能臥。但欲起。心下必結。脉微弱。

此本有寒飲

者。反下之。若利止。必作結胸。未止者。四五日復下之。此作協熱利也。

大陽病下之。其脉促。不結胸者。

此爲欲解也



脉浮者。必結胸。脉緊者。必咽痛。脉弦者。必兩脅拘急。脉細數者。頭痛未止。脉沈緊者。必欲嘔。脉

沈滑者。協熱利。脉浮滑者。必下血。

病在陽。應以汗解之。反以冷水澀之。若灌之。其熱被劫不得去。彌更益煩。肉上粟起。意欲飲水。反少渴者。服文蛤散。若不差者。與五苓散。寒實結胸。無熱證者。與三物小陷胸湯。

注

白散亦可服。

文蛤散

文蛤

五兩

右一味。爲散。以沸湯和一方寸匕服。湯用五合。

白散

桔更

三分

巴豆

一分去皮去熬黑研如脂

貝母

三分

右三味。爲散。內巴豆。更於白中杵之。以白飲和服。強人半錢匕。羸者減之。病在膈上必吐。在膈下必利。不利進熱粥一杯。利過不止。進冷粥一杯。

五苓散

身熱。皮粟不解。欲引衣自覆者。若以水澀之洗

之。益令熱劫不得出。當汗而不汗。則煩。假令汗出已。腹中痛。與芍藥三兩如上法。

太陽與少陽併病。頭項強痛。或眩冒。時如結胸。心下痞鞭者。當刺太椎第一間。肺俞。肝俞。慎不可發汗。發汗則讖語。脉弦。五日讖語不止。當刺期門。

婦人中風。發熱惡寒。經水適來。得之七八日。熱除而脉遲。身涼。胸脇下滿。如結胸狀。讖語

者。此爲熱入血室也。當刺期門。隨其實而取之。

婦人中風七八日。續得寒熱。發作有時。經水適斷。此爲熱入血者。其血必結。故使如瘧狀。發作有時。小柴胡湯主之。

婦人傷寒發熱。經水適來。晝日明了。暮則讖語。如見鬼狀者。此爲熱入血室。無犯胃氣及上二焦。必自愈。

傷寒六七日。發熱微惡寒。支節煩疼。微嘔。心下支結。外證未去者。柴胡桂枝湯主之。

桂枝

去皮

黃芩

一兩半

人參

一兩半

甘草

炙一兩

半夏

洗二合半

芍藥

一兩半

大棗

擘六枚

生姜

切一兩半

柴胡

四兩

右九味。以水七升。煮取三升。去滓。溫服一升。注

本云人參湯。作如桂枝法。加半夏柴胡黃芩。復如柴胡法。今用人參作各半劑。

傷寒五六日。已發汗。而復下之。胸脅滿。微結。小便

不利。渴而不嘔。但頭汗出。往來寒熱。心煩者。柴胡此爲未解也。桂枝乾姜湯主之。

柴胡

斤半

桂枝

兩三

干姜

兩二

枳實根

兩四

黃芩

兩三

牡蠣

兩二

甘草

兩二

右七味。以水一斗二升。煮取六升。去滓。再煎。取三升。溫服一升。日三服。初服微煩。復服。汗出便愈。

傷寒五六日。頭汗出。微惡寒。手足冷。心下滿。口不

此爲陽微結，必有表，復有裏也。脈沈亦有裏也。

注

汗出爲陽微，假令純陰結，不得復有外證，悉入在裏。此爲半在裏，半在外也。脈雖沈緊，不得爲少陰病所

以然者，少陰不得有汗，今頭汗出，故知非少陰也。

經

可與小柴胡湯。設不了了者，得屎

而解。

傷寒五六日，嘔而發熱者，柴胡湯證具，而以他藥下之。柴胡證仍在者，復與柴胡湯，必蒸蒸而振，卻

此雖已下之不爲逆也。

發熱汗出而解。若心下滿而鞭痛者，大陷胸湯主

之。但滿而不痛者，柴胡不中與之，宜半夏瀉心湯。

此爲痞。

半夏

洗半升

黃芩

乾姜

人參

甘草

炙各三兩

黃連

一兩

大棗

十二枚

右七味。以水一斗。煮取六升。去滓。再煮。取三升。溫服一升。日三服。

大陽少陽併病。而反下之。成結胸。心下鞭。下利不止。水漿不下。其人心煩。□□□□□。

脉浮而緊。復下之。緊反入裏。則作痞。按之自濡。但氣痞耳。

大陽中風。下利嘔逆。

注

表解者。乃可攻之。

經

其人熱熱汗出。發

作有時。頭痛。心下痞鞭滿。引脅下痛。乾嘔短氣。汗
此表解裏未和也。
 出不惡寒者。十棗湯主之。

芫花熬 甘遂 大戟

右三味等分。各別擣爲散。以水一升半。先煮大

棗肥者十枚。取八合。去滓。內藥末。注強人服一錢匕。經
羸人者服半錢。

平旦服溫服之。若下少。病不除者。明日更服。得快下利

後。糜粥自養。

大陽病。醫發汗。遂發熱惡寒。因復下之。心下痞。注

無陽則陰獨
表裏但虛陰
陽氣竝竭

經復加燒針。因胸煩。

注

面色青黃。膚潤者難治。今
色微黃。手足溫者易愈。

經心

下痞。按之濡。其脉浮者。關上大黃黃連瀉心湯主之。心

下痞。而復惡寒。汗出者。附子瀉心湯主之。心下痞。本

與瀉心湯。痞不解。其人渴而口燥煩。小便不利者。以下之故

五苓散主之。

注

一方云。忍之
一日乃愈。

大黃黃連瀉心湯方

大黃二兩

黃連

黃芩各一兩

右三味。以麻沸湯二升漬之。須臾絞去滓。分溫

再服。

附子瀉心湯方

大黃

兩二

黃連

兩一

黃芩

兩一

附子

枚二

炮去皮破別煮取汁

右四味。切三味。以麻沸湯二升漬之。須臾絞去滓。內附子汁。分溫再服。

傷寒汗出解之後。胃中不和。心下痞鞭。乾噫食臭。脅下有水氣。腹中雷鳴。下利者。生姜瀉心湯主之。

生姜

兩四

甘草

兩三

人參

兩三

乾姜

兩一

黃芩

兩三

半夏洗
升半

黃連一兩

大棗擘
十二枚

右八味。以水一斗。煮取六升。去滓。再煎取三升。溫服一升。日三服。

傷寒中風。醫反下之。其人下利日數十行。穀不化。腹中雷鳴。心下痞鞭而滿。乾嘔。心煩不得安。醫見心下痞。謂病不盡。復下之。其痞益甚。此非結熱。注但以胃中虛。客氣上逆。故使鞭也。

經 甘草瀉心湯主之。

甘草炙
兩四

黃芩三兩

乾姜三兩

半夏洗
升半

大棗十二枚

黃連一兩

右六味。以水一斗。煮取六升。去滓。再煎取三升。

溫服一升，日三服。

注 附子瀉心湯。本云。加附子半夏瀉心湯。甘草瀉心湯。同體別名耳。生姜瀉心湯。本云。理中人參黃芩湯去

桂枝朮。加黃連。并瀉肝法。

傷寒服湯藥。下利不止。心下痞鞭。服瀉心湯已。復以他藥下之。利不止。醫以理中與之。利益甚。**注** 理中者。理中

中焦。此利在下焦。

經

赤石脂禹餘糧湯主之。

注 復不止者。當利其小便。

赤石脂一斤

太一禹餘糧一斤

右二味。以水六升。煮取二升。去滓。分溫三服。

傷寒吐下後。發汗。虛煩。脉甚微。八九日。心下痞。鞭。脅下痛。氣上衝咽喉。眩冒。經脉動惕者。久而成痿。

傷寒發汗。若吐。若下。解後。心下痞。鞭。噫氣不除者。旋復代赭湯主之。

旋復花

三兩

人參

二兩

生姜

五兩

代赭

一兩

甘草

炙三兩

半夏

洗半升

大棗

擘十二枚

右七味。以水一斗。煮取六升。去滓。再煎取三升。溫服一升，日三服。

喘家。下後。不可更行桂枝湯。若汗出而喘。無大熱者。可與麻黃杏仁甘草石膏湯。

大陽病。外證未除。而數下之。遂協熱。而利下不止。心下痞鞭。表裏不解者。桂枝人參湯主之。

桂枝

別切

四兩

甘草

炙

四兩

白朮

三兩

人參

三兩

乾姜

三兩

右五味。以水九升。先煮四味。取五升。內桂。更煮

取三升。去滓。溫服一升。

注 日再夜一服。

表未解也。

傷寒。大下後。復發汗。心下痞。惡寒者。不可攻痞。當

先解表。表解乃可攻痞。

注 解表宜桂枝人參湯。攻痞宜大黃黃連瀉心湯。

傷寒。發熱汗出不解。心中痞鞭。嘔吐而下利者。□

□
□
□
之。

病如桂枝證。頭不痛。項不強。寸脉微浮。胸中痞

鞭。氣上衝喉咽。不得息者。當吐之。宜瓜蒂散。
此為胸中有寒飲也。

瓜蒂

熬黃 分一

赤小豆

分一

右二味。各別擣篩。爲散已。合治之。取一錢匕。以香豉一合。用熱湯七合。煮作稀糜。去滓。取汁和散。溫頓服之。不吐者。少少加得快吐乃止。注諸亡血虛

家不可與瓜蒂散

病脅下素有痞。連在臍傍。痛引少腹。入陰筋者。此名藏結。死。

傷寒。若吐。若下後。七八日不解。注熱結在裏。經表裏俱熱。

時時惡風。大渴。舌上乾燥而煩。欲飲水數升者。白

虎加人參湯主之。

知母

兩六

石膏

斤一

甘草

兩二

人參

兩二

粳米

合六

右五味。以水一斗。煮米熟。湯成去滓。溫服一升。

日三服。

注

此方立夏後立秋前乃可服。立秋後不可服。正月二月三月尚凜冽。亦不可與服之。與之則嘔利而腹痛。○諸亡血虛家亦不可與得之。則腹痛下

利者。但可
溫之。當愈。

傷寒。無大熱。口燥渴。心煩背微惡寒者。白虎加人參湯主之。

傷寒。脉浮。發熱無汗。

注

其表不解者。不可與白虎湯。

經

渴欲飲水。無表

證者。白虎加人參湯主之。

大陽少陽併病。心下鞭。頸項強而眩者。當刺大椎。肺愈。肝愈。慎勿下之。

大陽與少陽合病。自下利者。與黃芩湯。若嘔者。黃芩加半夏生姜湯主之。

黃芩湯

黃芩

三兩

芍藥

二兩

甘草

二兩

大棗

十二枚

擘

右四味。以水一斗。煮取三升。去滓。溫服一升。注

日再，夜
一服。

黃芩加半夏生姜湯

黃芩三兩

芍藥二兩

甘草二兩

大棗十二枚

半夏半升

生姜半斤

右六味。以水一斗。煮取三升。去滓溫服一升。注

日再，夜
一服。

傷寒。胸中有熱。胃中有邪氣。腹中痛欲嘔吐者。黃連湯主之。

黃連三兩

甘草三兩炙

乾姜三兩

桂枝三兩去皮

人參二兩

半夏半升洗

大棗十二枚擘

右七味。以水一斗。煮取六升。去滓。溫服。晝三夜二疑非仲景法
注晝三夜二

傷寒八九日。風濕相搏。身體疼煩。不能自轉側。不

嘔。不渴。脉浮虛而澀者。桂枝附子湯主之。若其人

大便鞭。臍下心下鞭小便不利者。去桂加白朮湯主之。

桂枝附子湯

桂枝四兩去皮

附子三枚炮去皮破

生姜三兩切

大棗十二枚擘

甘草二兩炙

右五味。以水六升。煮取二升。去滓。分溫三服。

去桂加白朮湯

炮去皮破

附子三枚

白朮四兩

生姜三兩

甘草二兩

大棗十二枚

右五味。以水六升。煮取二升。去滓。分溫三服。

初一服。其人身如痺。半日許復服之。三服都盡。

其人如冒狀。勿怪。此以附子朮併走皮內。逐水

氣。未得除。故使之耳。□法當加桂四兩。④注此本一方二法以大

便鞭。小便不利。去桂也。以大便不鞭。小便不利。

當加桂。附子三枚。虛弱家及產婦宜減服之。恐多也。

風濕相搏。骨節疼煩。掣痛不得屈伸。近之則痛劇。汗出短氣。小便不利。惡風不欲去衣。或身微腫者。甘草附子湯主之。

甘草炙 兩二

附子炮去皮破 枚二

白朮 兩二

桂枝去皮 兩四

右四味。以水六升。煮取三升。去滓。溫服一升。日

三服。

注 初服得微汗則解。能食汗出止。復煩者。將服五合。恐一升多者。宜服六七合為妙。

傷寒脉浮滑。白虎湯主之。

知母 兩六

石膏碎 斤一

甘草炙 兩二

粳米 合六

右四味。以水一斗。煮米熟。湯成去滓。溫服一升。日三服。

傷寒解而後。脉結代。心動悸。炙甘草湯主之。

甘草炙
兩四

生姜切
兩三

人參
兩二

生地黃
斤一

桂枝去皮
兩二

阿膠二兩

麥門冬去心
升半

麻仁半升

大棗擘
枚三十

右九味。以清酒七升。水八升。先煮八味。取三升。去滓。內膠烱消盡。溫服一升。日三服。一名復脉湯

脉按之來緩。時一止。復來者。名曰結。又脉來

動而中止。更來小數。中有還者。反動。名曰結。陰也。脉來動而中止。不能自還。因而復動者。名曰代。陰也。得此脉者必難治。

辨陽明病

問曰。病有大陽陽明。有正陽陽明。有少陽陽明。何謂也。答曰。大陽陽明者。脾弱是也。正陽陽明者。胃家實是也。少陽陽明者。發汗利小便已。胃中燥煩實。大便難。是也。

陽明之爲病。胃家實是也。

問曰。何緣得陽明病。答曰。大陽病。發汗。若下。若利小便。此亡津液。胃中乾燥。因轉屬陽明。

不更衣。內實大便難者。此名陽明也。

問曰。陽明病外證云何。答曰。身熱汗自出不惡寒。反惡熱也。

問曰。病有得之一日。不發熱而惡寒者。何也。答曰。雖得之一日。惡寒將自罷。卽自汗出而惡熱也。

問曰。惡寒何故自罷。答曰。陽明居中。主土也。萬物所歸。無所復傳。始雖惡寒。二日自止。此

爲陽明病也。

本大陽。初得病時。發其汗。汗先出不徹。因轉屬陽明也。

傷寒。發熱無汗。嘔不能食。而反汗出濺濺然者。是轉屬陽明也。

傷寒三日。陽明脉大。

傷寒脉浮而緩。手足自溫者。是爲繫在太陰。太陰者。身當發黃。若小便自利者。不能發黃。

至七八日。大便難者。爲陽明病也。

傷寒轉繫陽明者。其人濺濺然。微汗出也。

陽明中風。口苦咽乾。腹滿微喘。發熱惡寒。脉浮而緊。若下之。則腹滿小便難也。

陽明病。若能食。名中風。不能食。名中寒。

陽明病。若中寒者。不能食。小便不利。手足濺然

汗出。必大便初鞭後溏。此欲作固瘕
注所以然者。以胃中冷。水穀不別故也。

陽明病。初欲食。小便反不利。大便自調。其人骨

節疼。翕翕如有熱狀。奄然發狂。□□□□濺然

汗出而解。

④注 汗出而解者。此水不勝穀氣。與汗共併。脉緊則愈。

陽明病。欲解時。從申至戌上。

陽明病。不能食。攻其熱必噦。

以其人本虛。攻其熱必噦。

④注 所以然者。胃中虛冷故也。

陽明病。脉遲。食難用飽。飽則微煩。頭眩。必小便

難。雖下之。腹滿如故。

此欬作穀瘕。

④注 所以然者。脉遲故也。

陽明病。法多汗。反無汗。其身如蟲行皮中狀者。此以久虛故也。

陽明病。反無汗。而小便利。二三日嘔而效。手足厥者。必苦頭痛。若不效。不嘔。手足不厥者。頭不痛。

陽明病。但頭眩。不惡寒。故能食而效。其人咽必痛。若不效者。咽不痛。

陽明病。無汗。小便不利。心下懊懣者。身必發黃。陽明病。被火。額上微汗出。而小便不利者。必發黃。

陽明病。脉浮而緊者。必潮熱發作有時。但浮者。必盜汗出。

陽明病。口燥。但欲漱水。不欲嚥者。此必衄。

陽明病。本自汗出。醫更重發汗。病已差。尙微煩。不了了者。以亡津液。胃中乾燥。故令大便鞭。此必大便鞭故也 ④

當問其小便日幾行。若本小便日三四行。今日再行。故知大便不久出。今爲小便數少。以津液當還入胃中。故知不久必大便也。

傷寒嘔多。雖有陽明證。不可攻之。

陽明病。心下鞭滿者。不可攻之。攻之利遂不

止者死。止者愈。

陽明病。面合赤色。不可攻之。必發熱色黃者。小便不利也。

陽明病。不吐不下。心煩者。可與調胃承氣湯。

陽明病。脉遲。雖汗出。不惡寒者。其身必重。短氣腹滿而喘。有潮熱者。此外欲解。可攻裏也。汗出者。此大便已鞭也。

若汗多。微發熱惡寒者。外未解也。其熱不潮。未可與承氣湯。若腹大滿。不通者。可與小承氣湯。

微和胃氣。勿令至大泄下。

大承氣湯

大黃酒洗
兩四

厚朴炙去皮
斤半

枳實炙
枚五

芒硝三
合

右四味。以水一斗。先煮二物。取五升。去滓。內大黃。更煮取二升。去滓。內芒硝。更上微火一兩沸。

分溫再服。

注得下餘
勿服

小承氣湯

大黃兩四

厚朴炙去皮
兩二

枳實大者炙
枚三

右三味。以水四升。煮取一升二合。去滓。分溫二

服。

注

初服湯。當更衣。不爾者。盡飲之。若更衣者。勿服之。

陽明病。潮熱。大便微鞭者。可與小承氣湯。

不鞭者。不可與之。

若不大便六七日。恐有燥屎。欲知之法。少與小承氣湯。湯入腹中。轉失氣者。此有燥屎也。乃可攻之。若不轉失氣者。此但初頭鞭。後必溏。不可攻之。攻之必脹滿。不能食也。欲飲水者。與水則噦。其後發熱者。必大便復鞭而少也。以小承氣

湯和之。不轉失氣者。慎不可攻也。

夫實則讞語。虛則鄭聲。

注 鄭聲重語也。

直視讞語。喘滿者死。下利者亦死。發汗多。若重發汗者。亡其陽。讞語。脉短者死。脉自和者不死。

傷寒。若吐若下後。不解。不大便五六日以上。至十餘日。日晡所發潮熱。不惡寒。獨語如見鬼狀。若劇者。發則不識人。循衣摸牀。怵惕而不安。微喘直視。

脈弦者生。濇者死。微者但發潮熱。

讖語者大承氣湯主之。

注 若一服利則止後服。

陽明病。其人多汗。以津液外出。胃中燥。大便必鞭。鞭則讖語。小承氣湯主之。若一服讖語止者。更莫復服。

陽明病。讖語發潮熱。脉滑而疾者。小承氣湯主之。

因與承氣湯一升。腹中轉氣者。更服一升。若不轉氣者。勿更與之。明日又不大便。脉反微。

瀼者，裏虛也。爲難治。不可更與承氣湯也。

陽明病。讞語有潮熱。反不能食者。胃中必有燥屎五六枚。若能食者。但鞭耳。宜大承氣湯下之。

陽明病。下血讞語者。此爲熱入血室。但頭汗出者。刺期門。隨其實而瀉之。澌然汗出則愈。

汗出讞語者。以有燥屎在胃中_{此爲風}也。須下者。過經

乃可下之。下之若早，語言必亂。以表虛裏實故_{下之愈}

也。宜大承氣湯。

傷寒四五日。脉沈而喘滿。而反發其汗。津液越出。大便爲難。表虛裏實。久則讞語。

三陽合病。腹滿身重。難以轉側。口不仁。面垢。讞語。遺尿。發汗。讞語。□□□下之則額上生汗。手足逆冷。若自汗出者。白虎湯主之。

二陽併病。大陽證罷。但發潮熱。手足熱。汗出。大便難而讞語者。下之則愈。宜大承氣湯。

陽明病。脉浮而緊。咽燥口苦。腹滿而喘。發熱汗出。不惡寒反惡熱。身重。若發汗則躁。心憤憤反讞語。若加溫針。必怵惕煩躁不得眠。若下之則胃中空虛。客氣動膈。心中懊懣。舌上胎者。梔子豉湯主之。若渴欲飲水。口乾舌燥者。白虎加人參湯主之。若渴欲飲水。小便不利者。豬苓湯主之。

陽明病汗出多而渴者。不可與豬苓湯以汗多胃中燥。豬苓湯復利其小便故也。

脉浮而遲。表熱裏寒。下利清穀者。回逆湯主之。

若胃中虛冷。不能食者。飲水則噦。脉浮發熱。口乾鼻燥。能食者。則衄。

陽明病下之。其外有熱。手足溫。小結胸心中懊懣。飢不能

食。但頭汗出者。梔子豉湯主之。

陽明病發潮熱。大便溏。小便自可。胸脅滿不去者。柴胡湯主之。

陽明病。脅下鞭滿。不大便而嘔。舌上白胎者。可

與小柴胡湯。上焦得通。津液得下。胃氣因和。身
 濺然汗出而解。

陽明病。中風。脉弦浮大。而短氣。腹都滿。脅下及心
 痛。久按之氣不通。鼻乾不得汗。嗜臥。一身及面目
 悉黃。小便難。有潮熱。時時噦。耳前後腫。刺之小差。
 外不解。病過十日。脉續浮者。與小柴胡湯。脉但浮。
 無餘症者。與麻黃湯。

④注

若不尿。腹滿
 加噦者不治。

陽明病自汗出。若發汗。小便自利者。雖鞭不可

此為津液內竭。

攻之。當須自欲大便，宜蜜煎導而通之。若土瓜根及大豬膽汁，皆可爲導。

蜜煎方

食蜜

合七

右一味。於銅器內。微火煎。當須凝如飴狀。攪之。勿令焦著。候可丸，併手捻作挺。令頭銳。大如指。長二寸許。當熱時急作。冷則鞭。以內穀道中。以手急抱。欲大便時。乃去之。已試甚良。

疑非仲景意

又大豬膽一枚。瀉汁和少許法酢。以灌穀道內。如一食頃。當大便秘出宿食惡物。甚効。

陽明病。脉遲。汗出多。微惡寒者。表未解也。可發汗。宜桂枝湯。

陽明病。脉浮。無汗而喘者。發汗則愈。宜麻黃湯。

陽明病。發熱汗出者。此爲熱越不能發黃也。但頭汗出。身無汗。劑頸而還。小便不利。此爲瘀熱在裏渴引水漿者。身必發黃。茵

陳蒿湯主之。

茵陳蒿

六兩

梔子

擘十四枚

大黃

去皮二兩

右三味。以水一斗二升。先煮茵陳。減六升。內二味。煮取三升。去滓。分三服。小便當利。

注

尿如皂莢汁狀。色正赤。一宿腹

減黃從小便去也。

陽明證。其人喜忘者。必有畜血。尿雖難。大便反易。

所以然者。本有久瘀血。故令喜忘。

而其色必黑者。宜抵當湯。下之。

陽明病下之。心中懊懣而煩。胃中有燥屎者。宜大

承氣湯。

注

若有燥屎者。可攻。腹微滿。初頭鞭。後必溏者。不可攻之。

病人不大便五六日。繞臍痛。煩燥。發作有時者。此有燥屎。故使不大便也。病人煩熱。汗出則解。又如瘧狀。日晡所發熱者。屬陽明也。脉實者。宜下之。脉浮虛者。宜發汗。下之與大承氣湯。發汗宜桂枝湯。

大下後。六七日不大便。煩不解。腹滿痛者。此有燥所以屎也。宜大承氣湯。

然者。本有宿食故也。

病人小便不利。大便乍鞭乍易。時有微熱。喘冒不能臥者。有燥屎也。宜大承氣湯。

食穀欲嘔者。屬陽明也。吳茱萸湯主之。

注 得湯反劇者。屬上焦也。

大陽病。脉寸關尺緩浮弱。其人發熱汗出。復惡寒。不嘔。

但心下痞者。此以醫下之也。如其不下者。病人

渴者此轉屬陽明也。

不惡寒而渴。小便數者。大便必鞭。不更衣十日。無所苦也。渴欲飲水。少少與之。但以法救之。渴者。宜五苓散。

脉陽微而汗出少者。爲自和也。汗出多者。爲大過。陽脉實。因發其汗。汗出多者。亦爲大過。大過者。爲陽絕於裏。亡津液。大便因鞭也。

脉浮而芤。浮爲陽。芤爲陰。浮芤相搏。胃氣生熱。其陽則絕。

跌陽脉浮而濇。浮則胃氣強。濇則小便數。浮濇相搏。大便則難。其脾爲約。麻子仁丸主之。

麻子仁

升二

芍藥

斤半

枳實

炙 斤半

大黃

去皮 斤一

厚朴炙去皮
尺一

杏仁去皮尖熬
升一

右六味。蜜和丸如梧桐子大。飲服十丸。日三服。

④注漸加以
和爲度。

大陽病三日。發汗不解。蒸蒸發熱者。屬胃也。調胃承氣湯主之。

傷寒吐後。腹脹滿者。與調胃承氣湯。

大陽病。若吐。若下。若發汗後。微煩。小便數。大便因鞭者。與小承氣湯。和之愈。

得病二三日。脉弱。無大陽柴胡證。煩燥心下
鞭。至四五日。雖能食。以小承氣湯。少少與之。
微和之。令小安。至六日。與承氣湯一升。若不
大便六七日。小便少者。雖不受食。但初頭鞭
後必溏。未定成鞭。攻之必溏。須小便利。屎定
鞭。乃可攻之。宜大承氣湯。

傷寒六七日。目中不了了。睛不和。無表裏證。大
便難。此爲實也身微熱者。急下之。宜大承氣湯。

陽明病。發熱汗多者。急下之。宜大承氣湯。

發汗不解。腹滿痛者。急下之。宜大承氣湯。腹滿不減。減不足言。當下之。宜大承氣湯。

陽明少陽合病。其脈不負者爲煩也。必下利。注 負者失也。互相剋賊。名爲負也。論脉滑而數

者。有宿食也。當下之。宜大承氣湯。

病人無表裏證。發熱七八日。雖脉浮數者。可下之。假令已下。脉數不解。合熱則消穀喜飢。至六七日。不大便者。有瘀血。宜抵當湯。若脉

數不解。而下不止。必協熱便膿血也。

傷寒發汗已。身目爲黃。所以然者。以寒濕在裏

不解故也。以爲不可下也。



④注
於寒
溼中

之求

傷寒七八日。身黃如橘子色。小便不利。腹微滿者。

茵陳蒿主之。

傷寒身黃發熱者。梔子蘘皮湯主之。

肥梔子擘
十五箇

甘草炙
一兩

黃蘗
二兩

右三味。以水四升。煮取一升半。去滓。分溫再服。
傷寒瘀熱在裏。身必發黃。麻黃連軹赤小豆湯
主之。

麻黃去節 二兩

連軹連翹根是也 二兩

杏仁去皮尖 四十箇

赤小豆 一升

大棗擘 十二枚

生梓白皮切 一升

生姜切 二兩

甘草炙 二兩

右八味。以潦水一升。先煮麻黃再沸。去上沫。內
諸藥。煮取三升。去滓。分溫三服。
注 半日服盡

辨少陽病

少陽之爲病。口苦咽乾目眩也。

少陽病。兩耳無所聞。目赤。胸中滿而煩者。不可吐下。吐下則悸而驚。

傷寒脉弦細。頭痛發熱者。屬少陽。

少陽不可發汗。此屬胃。胃不和煩而悸。發汗則讞語。胃和則愈。

本大陽病不解。轉入少陽者。脅下鞭滿。乾嘔不能食。往來寒熱。尙未吐下。脉沈緊者。與小柴胡湯。

若已吐下發汗溫針。讖語。柴胡證罷。此爲壞病。④

知犯何逆，
以法治之。

三陽合病。脉浮大上關上但欲眠睡。目合則汗。

傷寒六七日。無大熱。其人躁煩者。此爲陽去入陰故也。

傷寒三日。三陽爲盡。三陰當受邪。其人反能食。而不嘔。此三陰不受邪也。

傷寒三日。少陽脉小者。欲已也。少陽病欲解

時。從寅至辰上。

辨大陰病

太陰之爲病。腹滿而吐。食不下。自利益甚。時腹自痛。若下之。必胸下結鞭。

大陰中風。四肢煩疼。脉陽微陰濇而長者。爲欲愈。

大陰病。欲解時。從亥至丑上。

大陰病。脉浮者。少可發汗。宜桂枝湯。自利不渴者。屬大陰。其藏有寒故也。當溫之。

④注

宜服四逆輩

傷寒脉浮而緩。手足自溫者。繫在大陰。當發身黃。若小便自利者。不能發黃。□□□□至七八

日。雖暴煩。下利日十餘行。必自止。

注 以脾家實。腐穢當去故也。

屬大陰也。

本大陽病。醫反下之。因爾腹滿時痛者。桂枝加芍藥湯主之。大實痛者。桂枝加大黃湯主之。

桂枝加芍藥湯

桂枝

去皮 三兩

芍藥

六兩

甘草

炙 二兩

大棗

擘 十二枚

生姜

切 三兩

右五味。以水七升。煮取三升。去滓。溫分三服。注

本云桂枝湯。
今加芍藥。

桂枝加大黃湯

去皮

桂枝三兩

大黃二兩

芍藥六兩

生姜切三兩

甘草炙二兩

大棗擘十二枚

右六味。以水七升。煮取三升。去滓。溫服一升。日三服。

大陰爲病。脉弱。其人續自便利。設當行大黃芍藥者。宜減之。以其人胃氣弱。易動故也。

辨少陰病

少陰之爲病。脉微細。但欲寐也。

少陰病。欲吐不吐。心煩但欲寐。五六日。自利而

屬少

渴者。陰也虛故引水自救。若小便色白者。少陰病形

悉具。

注小便白者。以下焦虛。有寒不能制水。故令色白也。

病人脉陰陽俱緊。反汗出者。亡陽也。此屬少陰。法當咽痛而復吐利。

少陰病。欬而下利。讖語者。被火氣劫故也。小

便必難。以強責少陰。汗也。

少陰病。脉細沈數。病爲在裏。不可發汗。

少陰病。脉微。不可發汗。亡陽故也。陽已虛。尺脉弱濇者。復不可下之。

少陰病。脉緊。至七八日。自下利。脉暴微。手足反溫。脉緊反去者。爲欲解也。雖煩。下利必自愈。

少陰病下利。若利自止。惡寒而蹠臥。手足溫

者。可治。

少陰病。惡寒而踈。時自煩。欲去衣被者。可治。
少陰中風。脉陽微陰浮者。爲欲愈。

少陰病欲解時。從子至寅上。

少陰病。吐利。手足不逆冷。反發熱者。不死。脉
不至者。灸少陰七壯。

少陰病。八九日。一身手足盡熱者。以熱在膀胱。必便血也。

少陰病。但厥無汗。而強發之。必動其血。未知從何道出。或從口鼻。或從目出者。是名下厥上竭。爲難治。少陰病。惡寒身踈。而利。手足逆冷者。不治。

少陰病。吐利躁煩。四逆者死。

少陰病。下利止。而頭眩。時時自冒者死。

少陰病。四逆。惡寒而身踈。脉不至。不煩而躁者死。

少陰病。六七日。息高者死。

少陰病。脉微細沈。但欲臥。汗出不煩。自欲吐。至五六日自利。復煩躁。不得臥寐者死。

少陰病。始得之。反發熱脉沈者。麻黃細辛附子湯主之。

麻黃^{去節}_{二兩}

細辛_{二兩}

附子^{炮去皮破八片}_{一枚}

右三味。以水一斗。先煮麻黃。減二升。去上沫。內諸藥。煮取三升。去滓。溫服一升。日三服。

少陰病。得之二三日。麻黃附子甘草湯。微發汗。注

以二三日無裏證。故微發汗也。

去節

麻黃二兩

甘草二兩

附子一枚
炮去皮破八片

右三味。以水七升。先煮麻黃。一兩沸。去上沫。內諸藥。煮取三升。去滓。溫服一升。日三服。

少陰病。得之二三日以上。心中煩不得臥者。黃連阿膠湯主之。

黃連四兩

黃芩二兩

芍藥二兩

雞子黃二枚

阿膠三兩
一云三挺

右五味。以水六升。先煮三物。取二升。去滓。內膠
 烱盡。小冷。內雞子黃。攪令相得。溫服七合。日三
 服。

少陰病。得之一二日。口中和。其背惡寒者。附子湯
 主之。

附子炮去皮破八片
二枚

茯苓三兩

人參二兩

白朮四兩

芍藥三兩

右五味。以水八升。煮取三升。去滓。一升。日三服。
 少陰病。身體痛。手足寒。骨節痛。脉沈者。附子湯主

之。

少陰病。下利。便膿血者。桃花湯主之。

赤石脂

一半全用 一半篩末
斤一

乾姜

兩一

粳米

升一

右三味。以水七升。煮米令熟。去滓。內赤石脂末

方寸匕。日三服。

溫服七合
注 若一服愈。餘勿服。

少陰病。二三日。至四五日。腹痛。小便不利。下利不止。便膿血者。桃花湯主之。

少陰病。下利。便膿血者。可刺。

少陰病。吐利。手足逆冷。煩躁欲死者。吳茱萸湯主之。

吳茱萸

升一

人參

兩二

生姜

兩六

大棗

擘十八

右四味。以水七升。煮取二升。去滓。溫服七合。日三服。

少陰病。下利咽痛。胸滿心煩者。豬膚湯主之。

豬膚

斤一

右一味。以水一斗。煮取五升。去滓。加白蜜一斤。

白粉五合。熬香。和令相得。溫分六服。

少陰病。二三日。咽痛者。可與甘草湯。不差。與桔梗湯。

甘草湯方

甘草

二兩

右一味。以水三升。煮取一升半。去滓。溫服七合。日三服。

桔梗湯方

桔梗

一兩

甘草

二兩

右二味。以水三升。煮取一升。去滓。溫分再服。

少陰病。咽中傷生瘡。不能語言。聲不出者。半夏

苦酒湯主之。

半夏

十四枚

雞子

一枚

洗破如棗核

去黃內上苦酒。著雞子殼中

右二味。內半夏。著苦酒中。以雞子殼置刀環中。

安火上。令三沸。去滓。少少含嚙之。不差。更作三

劑。

少陰病。咽中痛。半夏散及湯主之。

半夏^洗 桂枝^{去皮} 甘草^炙

右三味等分。各別擣篩已。合治之。白飲和服。方寸匕。日三服。若不能散服者。以水一升。煮七沸。內散兩方寸匕。更煮三沸。下火令小冷。少少嚥

之。
注 半夏有毒。不當散服。

少陰病。下利。白通湯主之。

葱白^{四莖}

乾姜^{一兩}

附子^{生去皮破八片一枚}

右三味。以水三升。煮取一升。去滓。分溫再服。

少陰病。下利脉微者。與白通湯。利不止。厥逆無脉。

乾嘔煩者。白通加豬膽汁湯主之。注服湯。脉暴出者。死。微續者生。

葱白

莖四

乾姜

兩一

附子

一枚

人尿

合五

豬膽汁

合一

右五味。以水三升。煮取一升。去滓。內膽汁人尿。

和令相得。分溫再服。注若無膽。亦可用。

少陰病。二三日不已。至四五日。腹痛小便不利。四

肢沈重疼痛。自下利。其人或欬。或小便利。或下利。

自下利者。此爲有水氣也。

或嘔者。玄武湯主之。

茯苓

兩三

芍藥

兩三

白朮

兩二

生姜

兩三

附子

一枚
炮去皮破八片

右五味。以水八升。煮取三升。去滓。溫服七合。日三服。

若欬者。加五味子半升。細辛一兩。乾姜一兩。若小便利者。去茯苓。若下利者。去芍藥。加乾姜二兩。若嘔者。去附子。加生姜。足前爲半斤。

少陰病。下利清穀。裏寒外熱。手足厥逆。脉微欲絕。

身反不惡寒。其人面色赤。或腹痛。或乾嘔。或咽痛。或利止。脉不出者。通脉回逆湯主之。

甘草

炙

兩二

附子

生用去皮破八片

大者一枚

乾姜

強可四兩

兩三

右三味。以水三升。煮取一升二合。去滓。分溫再服。

其脉即出者愈。面色赤者。加葱九莖。腹中痛者。去葱。加芍藥二兩。嘔者。加生姜二兩。咽痛者。去芍藥。加桔梗一兩。利止脉不出者。去桔梗。加人

參二兩。

注 脉病皆與方相應者乃服之。

少陰病。其人或欬。或悸。或小便不利。或腹中痛。或泄利下重者。回逆散主之。

甘草

炙

枳實

破水漬炙乾

柴胡

芍藥

右四味。各等分。搗篩。白飲和。服方寸匕。日三服。欬者。加五味子。乾姜各五分。并主下利。悸者。加桂枝五分。小便不利者。加茯苓五分。腹中痛者。加附子一枚。炮令折。泄利下重者。先以水五升。

煮薤白三莖。煮取三升。去滓。以散三方寸匕。內湯中。煮取一升半。分溫再服。

少陰病。下利六七日。欬而嘔渴。心煩不得眠者。豬苓湯主之。

豬苓 茯苓 阿膠 澤瀉 滑石

各一兩

右五味。以水四升。先煮四物。取二升。去滓。內阿膠。烱盡。溫服七合。日三服。

少陰病。得之二三日。口燥咽乾者。急下之。宜大

承氣湯。

少陰病。自利清水。色純青。心下必痛。口乾燥者。可下之。宜大承氣湯。

少陰病。六七日。腹脹不大便者。急下之。宜大承氣湯。

少陰病。脉沈者。急溫之。宜回逆湯。

甘草炙二兩

乾姜一兩半

附子生用去皮破八片一枚

右三味。以水三升。煮取一升二合。去滓。分溫再

服。

強人可大附子一枚，乾姜三兩。

少陰病。飲食入口則吐。心中溫溫欲吐。復不能吐。

始得之。手足寒。脉弦遲。脉弦遲者此胸中實當吐之不可下也。若膈上有寒飲。

乾嘔者。不可吐也。當溫之。宜回逆湯。

少陰病。下利脉微瀼。嘔而汗出。必數更衣。反

少者。當溫其背上。灸之。

辨厥陰病

厥陰之爲病。氣上撞心。消渴心中疼熱。飢而不欲食。食

則吐。吐衄下之。利不止。

厥陰中風。脉微浮。爲欲愈。不浮爲未愈。

厥陰病。欲解時。從丑至卯上。

厥陰病。渴欲飲水者。少少與之愈。

諸四逆厥者。不可下之。虛家亦然。

傷寒先厥。後發熱而利者。必自止。見厥復利。

傷寒始發熱六日。厥反九日而利。凡厥利者。當不能食。今反能食者。恐爲除中。食以索餅。不發熱者。知胃氣尙在。必愈。恐暴熱來出而復去也。後三日脉之。其熱續在者。□期之。旦日夜半愈。所以然者。本發熱六日。厥反九日。復發熱三日。并六日。亦爲九日。與厥陰相應。故期之。旦日夜半愈。後三日脉之。而脉數。其熱不罷者。此爲熱氣有餘。必發癰膿也。

傷寒脉遲六七日。而反與黃芩湯。徹其熱。脉遲爲寒。今與黃芩湯。復除其熱。腹中應冷。當不能食。今反能食。此名除中。必死。

傷寒先厥後發熱。下利必自止。而反汗出。咽中痛者。其喉爲痺。發熱無汗。而利必自止。若不止。必便膿血。便膿血者。其喉不痺。

傷寒二三日。至四五日。厥者。必發熱。前熱者。後必厥。厥深者。熱亦深。厥微者。熱亦微。厥應

下之。而反發汗者。必口傷爛赤。

傷寒病。厥五日。熱亦五日。設六日。當復厥。不
 厥者自愈。厥終不過五日。以熱五日。故知自
 愈。

凡厥者。陰陽氣不相順接。便爲厥。

注 厥者。手足
 厥冷者是。

傷寒脉微而厥。至七八日。膚冷。其人躁無暫安

時者。非爲虵厥也。

注 此爲藏厥
 虵厥者。其
 人當吐虵。

論 令病者靜。而復時

煩

注 虵上入其
 膈。故煩。

論 須更復止。得食而嘔。又煩。其人當

煩者。虵聞食臭也。

自吐蚘。蚘厥者。烏梅丸主之。

④注 又主久利。

烏梅

三百枚

細辛

六兩

乾姜

十兩

黃連

十六兩

當歸

四兩

附子

六兩炮去皮

蜀椒

四兩出汗

桂枝

六兩去皮

人參

六兩

黃蘗

六兩

右十味。異擣篩。合治之。以苦酒漬烏梅一宿。去核。蒸之。五斗米下。飯熟擣成泥。和藥令相得。內臼中。與蜜杵二千下。丸如梧桐子大。先食飲服十九丸。日三服。稍加至二十九丸。禁生冷滑物臭食等。

傷寒熱少厥微。指頭寒。嘿嘿不欲食。煩躁數日。小便利。色白者。此熱除也。欲得食。其病爲愈。若厥而嘔。胸脇煩滿者。其後必便血。

病者手足厥冷。言我不結胸。小腹滿。按之痛者。此冷結在膀胱關元也。

傷寒發熱四日。厥反三日。復熱四日。厥少熱多者。其病當愈。四日至七日。熱不除者。必便膿血。

傷寒厥四日。熱反三日。復厥五日。其病爲進。寒多熱少。陽氣退。故爲進也。

傷寒六七日。脉微。手足厥冷。煩躁。灸厥陰。厥不還者死。

傷寒發熱。下利厥逆。躁不得臥者死。

傷寒發熱。下利至甚。厥不止者死。

傷寒六七日。不利。便發熱而利。其人汗出不止者死。有陰無陽故也。

傷寒五六日。不結胸。腹濡。脉虛。復厥者。不可下。此亡血。下之死。發熱而厥。七日下利者。爲難治。

傷寒脉促。手足厥逆者。可灸之。

傷寒脉滑而厥者。裏有熱也。白虎湯主之。
手足厥寒。脉細欲絕者。當歸回逆湯主之。

若其人內有久寒者。宜當歸回逆加吳茱萸生姜湯。

又方

當歸

兩三

桂枝

兩三

芍藥

兩三

細辛

兩三

甘草

兩二

通草

兩二

大棗

五枚

右七味。以水八升。煮取三升。去滓。溫服一升。

日三服。

當歸回逆加吳茱萸生姜湯

當歸

兩三

芍藥

兩三

甘草

兩二

通草

兩二

桂枝

兩三

細辛

兩三

生姜

斤半

茱萸

升二

大棗

五枚

右九味。以水六升。清酒六升。和煮取五升。去滓。分溫五服。

大汗出。熱不去。內拘急。四肢疼。又下利厥逆。而惡寒者。回逆湯主之。

大汗。若大下利。而厥冷者。回逆湯主之。

病人手足厥冷。脉乍緊者。邪結在胸中。心下滿而煩。飢不能食者。病在胸中。當須吐之。宜瓜蒂散。

傷寒厥而心下悸。宜先治水。當服茯苓甘草湯。卻治其厥。不爾。水漬入胃。必作利也。

傷寒六七日。大下後。脉沈而遲。手足厥逆。與回

逆湯。下部脉不至。咽喉不利。唾膿血。泄利不止。

爲難治

者。屬麻黃升麻湯。

麻黃去節 二兩半

升麻 一兩一分

當歸 一兩一分

知母 十八銖

黃芩 十八銖

萎蕤一作菖蒲 十八銖

芍藥 六銖

天門冬去心 六銖

桂枝去皮 六銖

茯苓 六銖

甘草炙 六銖

石膏碎綿裹 六銖

白朮

六銖

乾姜

六銖

右十四味。以水一斗。先煮麻黃一兩沸。去上沫。內諸藥。煮取三升。去滓。分溫三服。相去如炊三斗米頃。令盡。汗出愈。

傷寒四五日。腹中痛。若轉氣下趣少腹者。此欲自利也。

傷寒本自寒下。醫復吐下之。寒格更逆吐下。若食入口卽吐。乾姜黃芩黃連人參湯主之。

乾姜

黃芩

黃連

人參

各三兩

右四味。以水六升。煮取二升。去滓。分溫再服。

下利有微熱而渴。脈弱者。令自愈。

下利脈數。有微熱汗出。令自愈。設復緊爲未解。

下利。手足厥冷。無脈者。灸之不溫。若脈不還。反微喘者死。小陰負趺陽者。爲順也。

下利寸脈反浮數。尺中自濇者。必清膿血。

下利脉沈弦者。下重也。脉大者。爲未止。脉微弱數者。爲欲自止。雖發熱不死。

下利清穀。不可攻表。汗出必脹滿。下利脉沈而遲。其人面少赤。身有微熱。

下利清穀者。必鬱冒汗出而解。

病人必微厥。所以然者。其面戴陽。下虛故也。

下利脉數而渴者。令自愈。設不差。必清膿血。以有熱故也。

下利後脉絕。手足厥冷。晬時脉還。手足溫者
生。脉不還者死。

傷寒。下利日十餘行。脉反實者死。

下利清穀。裏寒外熱。汗出而厥者。通脉回逆湯
主之。

熱利下重者。白頭翁湯主之。

白頭翁

二兩

黃蘗

三兩

黃連

三兩

秦皮

三兩

右四味。以水七升。煮取二升。去滓。溫服一升。不

愈。更服一升。

下利腹脹滿。身體疼痛者。先溫其裏。乃攻其表。溫裏宜回逆湯。攻表宜桂枝湯。

下利欲飲水者。以有熱故也。白頭翁湯主之。下利讖語者。有燥屎也。宜小承氣湯。

下利後更煩。按之心下濡者。爲虛煩也。宜鼓子豉湯。

嘔家有癰膿者。不可治也。膿儘自愈。

嘔而脉弱。小便復利。有微熱。見厥者。難治。回逆湯主之。

乾嘔。吐涎沫。頭痛者。吳茱萸湯主之。

嘔而發熱者。小柴胡湯主之。

傷寒。大吐。大下之。極虛。復極汗出者。其人外氣怫鬱。復與之水。以發其汗。因得噦。所以然者。胃中寒冷故也。

傷寒噦而腹滿。視其前後。知何部不利。利之

卽愈。

辨厥陰病

霍亂

問曰。病有霍亂何。答曰。嘔吐而利。此名霍亂。
問曰。病發熱。頭痛。身疼。惡寒。吐利者。此屬何
病。答曰。此名霍亂。霍亂自吐下。又利止。復發
熱也。

傷寒。其脉微瀋。本是霍亂。今是傷寒。卻四五
日。至陰經。上轉入陰。必利。本嘔下利者。不可

治也。欲以大便而反失氣，仍不利。此屬陽明也。便必鞭。十三日愈。所以然者，經盡故也。下利後當便鞭，鞭則能食者愈。今反不能食，到後經中，頗能食，復過一經能食，過之一日當愈。不愈者，不屬陽明也。

吐利惡寒，脉微而復利。利止亡血也回逆，加人參湯主之。

甘草炙二兩

附子生去皮破八片一枚

乾姜一兩半

人參一兩

右四味，以水三升，煮取一升二合，去滓，分溫再

服。

霍亂

吐利頭痛發熱。身疼痛。熱多欲飲水者。五苓散主之。寒多不用水者。理中丸主之。

人參

乾姜

甘草

炙

白朮

各三兩

右四味。擣篩。蜜和爲丸。如雞子黃許大。以沸湯數合。和一丸。研碎。溫服之。

注

日三四。夜一服。

腹中未熱。益至三四丸。然不及湯。湯法以四物。依兩數切。用水八升。煮取三升。去滓。溫服一升。

日三服。

若臍上築者。腎氣動也。去朮。加桂四兩。吐多者。去朮。加生姜三兩。下多者。還用朮。悸者。加茯苓二兩。渴欲得水者。加朮。足前成四兩半。腹中痛者。加人參。足前成四兩半。寒者加乾姜。足前成四兩半。腹滿者。去朮。加附子一枚。服湯後。如食頃。飲熱粥一升許。微自溫。勿發揭衣被。吐利止而身痛不休者。當消息和解其外。宜桂枝湯。

小和利之

吐利汗出。發熱惡寒。四肢拘急。手足厥冷者。回逆湯主之。

既吐且利。小便復利。而大汗出。下利清穀。內寒外熱。脈微欲絕者。回逆湯主之。

吐已下斷。汗出而厥。四肢拘急不解。脈微欲絕者。通脈回逆加豬膽汁湯主之。

甘草炙二兩

乾姜強人可四兩三兩

附子生去皮破八片大者一枚

豬膽汁半合

右四味，以水三升，煮取一升二合，去滓。內豬膽

汗。分溫再服。

其脈卽來

④注

無豬膽，以羊膽代之。

吐利發汗。脈平。小煩者。新虛不勝穀氣故也。

辨陰陽易差後勞復病

傷寒陰陽易之爲病。其人身體重。小氣。少腹裏急。或引陰中拘攣。熱上衝胸。頭重不欲舉。眼中生花。膝脛拘急者。燒禪散主之。

婦人中禪近隱處。取燒作灰。

右一味。水服方寸匕。日三服。小便卽利。陰頭微

腫。

注 此爲愈矣。婦人病。取男子禪燒服。

大病差後。勞復者。枳實梔子湯主之。

枳實炙 三枚

梔子擘 十四箇

鼓包綿 一升

右三味。以清漿水七升。空煮取四升。內枳實梔子。煮取二升。下鼓。更煮五六沸。去滓。溫分再服。

覆令微似汗。注 若有宿食者。內大黃如博碁子五六枚。服之愈。

傷寒差以後。更發熱。小柴胡湯主之。

脉浮者。少以汗解之。脉沈實者。少以下解之。

大病差後。從腰以下。有水氣者。牡蠣澤瀉散主之。

牡蠣熬

澤瀉

蜀漆煖水洗去腥

葶藶子熬

商陸根熬

海藻

括蕒根各等分

右七味。異擣。下篩爲散。更於白中治之。白飲和。

服方寸匕。日三服。小便利。止後服。

大病差後。喜唾。久不了了。胸上有寒。當以丸藥溫之。宜理中丸。

傷寒解後。虛羸少氣。逆欲吐。竹葉石膏湯主之。

竹葉二把

石膏

半夏洗半升麥門冬去心一升人參二兩甘草炙二兩粳米半升

右七味。以水一斗。煮取六升。去滓。內粳米。煮米

熟。湯成去米。溫服一升。日三服。

病人脉已解。而日暮微煩。以病新差。人強與穀。脾胃氣尙弱。不能消穀。故令微煩。損穀則愈。

凡療治之方有奇恆之理。奧毒藥之化機。又經旨之所祕。多傳方文字傳法。

中之學先講家傳之論說而

後可令近四部之教習□也

康平三年二月十七日

侍醫丹波雅忠

貞和二年十二月十五日以家祕說授典藥權
助畢

和氣朝臣嗣成

南山隱士山秋五徂謹書



方劑筆畫索引

二劃

十棗湯……………一〇六

三劃

大承氣湯……………一三九

大柴胡湯……………一七九

大陷胸丸……………一九五

大陷胸湯……………一九四

大黃黃連瀉心湯……………一〇七

小青龍湯……………一五〇

小承氣湯……………一三一

小建中湯……………一七七

小柴胡湯……………一七七

小陷胸湯……………一七四

小青龍湯……………一九六

四劃

五苓散……………九六三

文蛤散……………九六六

五劃

半夏苦酒湯……………一六六

半夏散及湯……………一六八

半夏瀉心湯……………一〇九

去桂加白朮湯……………一〇九

玄武湯……………一七三

瓜蒂散……………一七〇

甘草附子湯……………一四〇

甘草乾姜湯……………一四四

甘草湯……………一四六

甘草瀉心湯……………一〇六

生薑瀉心湯……………一〇八

白虎加人參湯……………一〇五

白虎湯……………一〇九

白通加豬膽汁湯……………一六六

白通湯……………一六六

白散……………一六八

白頭翁湯……………一八九

六劃

回逆散……………一七四

回逆加人參湯……………一七二

回逆湯……………一七四

- | | | | |
|-------------|-----|-----------------|-----|
| 竹葉石膏湯 | 二〇一 | 桂枝二越婢一湯 | 四二 |
| 七劑 | | 桂枝人參湯 | 一 |
| 吳茱萸湯 | 一六五 | 桂枝加大黃湯 | 一五六 |
| 牡蠣澤瀉散 | 二〇〇 | 桂枝加芍藥湯 | 一三五 |
| 芍藥甘草附子湯 | 一六一 | 桂枝加厚朴杏子湯 | 三五七 |
| 赤石脂禹餘糧湯 | 一一〇 | 桂枝加葛根湯 | 三五二 |
| 抵當丸 | 九〇〇 | 桂枝去芍藥加附子湯 | 三八八 |
| 抵當湯 | 九〇〇 | 桂枝去芍藥加蜀漆牡蠣龍骨救逆湯 | 三八四 |
| 八劑 | | 桂枝去桂加茯苓白朮湯 | 四二 |
| 炙甘草湯 | 一一一 | 桂枝甘草湯 | 五八 |
| 附子湯 | 一六三 | 桂枝甘草龍骨牡蠣湯 | 八七 |
| 附子瀉心湯 | 一〇八 | 桂枝附子湯 | 一三八 |
| 九劑 | | 桂枝麻黃各半湯 | 三九 |
| 厚朴生姜半夏甘草人參湯 | 一六〇 | 桔梗湯 | 一六六 |
| 枳實梔子湯 | 一九九 | 柴胡加芒硝湯 | 一六〇 |
| 十劑 | | 柴胡加龍骨牡蠣湯 | 一八二 |
| 桂枝二麻黃一湯 | 四〇 | 柴胡桂枝乾姜湯 | 一〇三 |
| | | 柴胡桂枝湯 | 一〇二 |
| | | 桃花湯 | 一六四 |
| | | 桃核承氣湯 | 一八一 |
| | | 烏梅丸 | 一八一 |
| | | 茵陳蒿湯 | 一四一 |

方劑注音索引

- 豬膚湯……………一六五
- ㄅ
- 白頭翁湯……………一六九
- 白通湯……………一六八
- 白通加豬膽汁湯……………一六九
- 白虎湯……………一六〇
- 白虎加人參湯……………一五〇
- 白散……………一五五
- 半夏苦酒湯……………一六八
- 半夏瀉心湯……………一六七
- 半夏散及湯……………一六八
- ㄇ
- 麻黃附子甘草湯……………一六二
- 麻黃湯……………一四八
- 麻黃連軹赤小豆湯……………一五〇
- 麻黃細辛附子湯……………一六一
- 麻黃杏仁甘草石膏湯……………一五八
- 麻黃升麻湯……………一八六
- ㄇ
- 大黃黃連瀉心湯……………一〇七
- 大青龍湯……………一〇五
- 大陷胸湯……………九五
- 大陷胸丸……………九四
- 大柴胡湯……………七九
- 大承氣湯……………七一
- 當歸回逆湯……………一三一
- 當歸回逆加吳茱萸生姜湯……………一八三
- 抵當湯……………九〇
- 抵當丸……………九〇
- ㄆ
- 茯苓甘草湯……………六四
- 茯苓桂枝甘草大棗湯……………六四
- 茯苓桂枝甘草湯……………六一
- 茯苓回逆湯……………六二
- 附子湯……………六三
- 附子瀉心湯……………〇八
- ㄆ
- 麻子仁丸……………一四四
- 蜜煎方……………一四四
- 牡蠣澤瀉散……………〇〇五

- | | | | | | | | | | | | | | | | | | | | | | |
|---------|-------|-----------|--------|-------|-------------|-------|-------|---------|---------|-----------|-----------------|--------|-------------|-----------|----------|--------|--------|--------|-----------|-------|-------|
| 桂枝麻黃各半湯 | 瓜蒂散 | 乾姜黃芩黃連人參湯 | 乾姜附子湯 | 甘草瀉心湯 | 甘草乾姜湯 | 甘草湯 | 甘草附子湯 | 葛根加半夏湯 | 葛根黃芩黃連湯 | 葛根湯 | 《 | 理中丸 | 力 | 通脈回逆加豬膽汁湯 | 通脈回逆湯 | 調胃承氣湯 | 桃花湯 | 桃核承氣湯 | 去 | | |
| | | | | | | | | | | | | | | | | | | | | | |
| 三九 | 一七 | 一八 | 一七 | 〇九 | 〇四 | 一六 | 一六 | 四七 | 四八 | 四六 | 《 | 一九 | 五 | 一九 | 七一 | 一六 | 六二 | 一八 | 一四 | 一 | |
| 黃連阿膠湯 | 黃連湯 | 回逆散 | 回逆加人參湯 | 回逆湯 | 厚朴生薑半夏甘草人參湯 | 厂 | 桂枝人參湯 | 桂枝二越婢一湯 | 桂枝二麻黃一湯 | 桂枝去芍藥加附子湯 | 桂枝去芍藥加蜀漆牡蠣龍骨救逆湯 | 桂枝去芍藥湯 | 桂枝去芍藥加茯苓白朮湯 | 桂枝加芍藥湯 | 桂枝加厚朴杏子湯 | 桂枝加葛根湯 | 桂枝加大黃湯 | 桂枝加附子湯 | 桂枝甘草龍骨牡蠣湯 | 桂枝甘草湯 | 桂枝附子湯 |
| | | | | | | | | | | | | | | | | | | | | | |
| 一六 | 一七 | 一七 | 一七 | 一七 | 一六 | | 一四 | 一四 | 一四 | 一八 | 一八 | 一八 | 一八 | 一五 | 一五 | 一五 | 一五 | 一三 | 一七 | 一八 | 一八 |
| 二七 | 二七 | 二二 | 二四 | 二四 | 〇〇 | | 〇二 | 〇二 | 〇二 | 〇四 | 〇四 | 〇四 | 〇二 | 〇五 | 〇五 | 〇五 | 〇六 | 〇七 | 〇七 | 〇八 | 〇八 |

黃芩湯	一	一六	茵陳蒿湯	一	一四
黃芩加半夏生姜湯	一	一六	芍藥甘草附子湯	一	〇六
桔梗湯	一	六六	生薑瀉心湯	一	〇八
去桂加白朮湯	一	一九	十棗湯	一	〇六
小建中湯	一	七七	柴胡桂枝湯	一	〇〇
小青龍湯	一	五七	柴胡桂枝乾姜湯	一	〇〇
小陷胸湯	一	九六	柴胡加芒硝湯	一	〇〇
小柴胡湯	一	七四	柴胡加龍骨牡蠣湯	一	八二
小承氣湯	一	三一	赤石脂禹餘糧湯	一	〇一
玄武湯	一	七〇	柴胡加芒硝湯	一	〇三
旋復代赭湯	一	一〇	柴胡加龍骨牡蠣湯	一	〇二
出			柴胡加龍骨牡蠣湯	一	〇二
梔子蘘皮湯	一	四九	茵陳蒿湯	一	四一
梔子甘草豉湯	一	六六			
梔子乾姜湯	一	六九			
梔子厚朴湯	一	六八			
梔子豉湯	一	六六			
枳實梔子湯	一	六七			
炙甘草湯	一	二一			
豬膚湯	一	六五			
豬苓湯	一	七三			
竹葉石膏湯	一	〇一			
梔子生薑豉湯	一	六七			
枳實梔子湯	一	九一			
梔子生薑豉湯	一	六七			
枳實梔子湯	一	九一			
炙甘草湯	一	二一			
豬膚湯	一	六五			
豬苓湯	一	七三			
竹葉石膏湯	一	〇一			
梔子生薑豉湯	一	六七			
枳實梔子湯	一	九一			
梔子生薑豉湯	一	六七			
枳實梔子湯	一	九一			
炙甘草湯	一	二一			
豬膚湯	一	六五			
豬苓湯	一	七三			
竹葉石膏湯	一	〇一			

又

烏梅丸

吳茱萸湯

五苓散

文蛤散

一一

一八〇

一六六

九六六

